



ایکلینیک

الكاتب: محمد إبراهيم رشدي

رقم الإيداع: 2018 / 22205

ISBN: 978-977-798-087-6

الطبعة الأولى يناير 2019



دار الحلم للنشر والتوزيع والترجمة ©

عضو اتحاد الناشرين المصريين

القاهرة - جمهورية مصر العربية



E-mail: dar_el7elm@hotmail.com

info.darel7elm@Gmail.com

Tel: 00242216335 - Mob: 00201141824562

Sales Manager Mob :00201146644959

جميع الحقوق محفوظة للناشر ©

إن دار الحلم للنشر والتوزيع غير مسؤولة عن آراء المؤلف وأفكاره، وتعتبر الآراء الواردة في هذا الكتاب عن آراء المؤلف، ولا تعبر بالضرورة عن آراء الدار، كما أن جميع حقوق الطبع والنشر محفوظة للدار ولا يجوز طبع أو إعادة استخدام أي جزء من العمل في أي صورة كانت إلا بموجب موافقة خطية من الناشر..



9 789777 980876

حب
إكالي نيكو

الكاتب
محمد إبراهيم رشدي



إهداء إلى

إهداء إلى من في عينيها سحرٌ

يجعل الشعر أمراً سهلاً

إهداء إلى من يُعاني، وما زال وجهه ضاحكاً ويُقاتل في الحياة، ليصل إلى
موته سالماً.



العشق لغيرك محرم

العشق لغيرك مُحرم
وأنا قلبي مع حُبك تاب
دي عيونك بتنوّر ليلي
لو مرة القمر غاب
وجمالك لوحده عبادة
وبيمحي أي ذنوب عدّت
وكأنك مثال للجنة
أو حاجة شبيهها اتخلقت
أوصافك تشبه لفراولة
وملاحك بلون الورد
يا أجمل ضحكة أنا بضحكها
في هزاري وفي وقت الجد
العشق لغيرك مُحرم
وأنا مؤمن جدًا بالله

حُبك مش رزق وبس
حُبك بالنسبالي حياة
ده أنت أجمل ما شافت عيني
وأكثر بكثير مـ الي اتمنيته
وكان وجودك حقيقي
كل الدُعى الي دعيته
روحك حلوة زي الطفلة
وقلبك مليان بالخير
تشبهيك بالقمر ده ظلم
أنت أجمل منه بكثير
أنت أجمل من السما ونجومها
والشمس في وقت شروقها
ومن كل العصافير الي بتغني
ومن أم بتحضن أطفالها
أنت أحلى من كل المزيكا
وأحلى من كل الأشعار

وأغاني سُعاد لجاهين
وأغاني كاظم لـ نزار
أنتِ أحلى من آخر مطرة
وأحلى من أول حُصن
وأحلى من الهدوء والزحمة
ومن دعوة لأي أم
أنتِ أحلى من إني أقولك
يا حلوة في كل صباح
دي البوسة منك شيء صعب
ومحتاجة لحرب وكفاح
وعيونك محتاجة خريطة
علشان أقدر أغازها
والعشق لغيرك مُحرم
كل الحرومات بأكملها.



أجمل واحدة فضولية

إشمعنى حبيتك أنتِ
إشمعنى أنتِ الي ارتحتلك
وحكيتلك كل أسرار حياتي
وقدرت بسهولة أفهمك
وليه وجودك كان مُميز
وليه شوفتك غير البشر
وليه عشقت ضحكة عنيكي
يا أجمل وأحلى شيء حصل
وليه معاكي لاقيت حياتي
الي ملقتهاش ولا مرة
ولأول مرة أنسى خوفاً
وأشوف الحياة حلوة
وليه لاقيت عُمرى الي عدى
فجأة معاكي وبين إيديكي

وحياتي واقفة..
على كل ضحكة..
بتضحكها ليّ عنيكي
إشمعني وجودك كان مُختلف
وقد رقي ببساطة تخطفيني
ومع إني مبيعجنيش العجب
أول ما شوفتك عجبتي
إشمعني أنتِ الي سرحت فيكي
وبقيتي في يومي شيء أساسي
إشمعني أنتِ الي قد رقي
تغيري كل إحساسي
إشمعني شوفتك واقعية
في عالم عشته كله خيال
وليه حبيت عنيكي أنتِ
وقد رت أشوفها بهذا الجمال
وإشمعني معاكي أنتِ لاقيت

معنى لكلمة حنية
يا أحلى واحدة تقول إשמعنى
وأجمل واحدة فضولية.



بليت حبها

إني بُليت بحُبها
وما أجمل هذا البلاء
وبرغم أني مُرفهُ
الآن أحببتُ العناء
وأحببتُ التعبَ كثيرًا
من أجلِ عَيْنُهَا
أحببتُ أشياء لا تُذكر
وتذكرتُ أشياء نسيْتُها
بُليت بـأَعْيُنِهَا السوداء
حين تحاورُني بذكاء
عن أسباب اهتمامي
وعن أسباب الاشتياق
وحين يزيدُ بريقُها
وتأخذني لرحلة صيد

أصبح فيها فريستها
من أجل العشق والحب
وأصبح شخصاً متعجباً
وكاذباً من شدة الصدق
وأبكي كثيراً جداً
وأضحك أشدّ الضحك
أصبحتُ شخصاً مثاليّاً
خالٍ من الوجد كُليّاً
وأخاف كثيراً وأطمئن
حين أراكِ حرفياً
بُلّيت بحُبكِ يا فتاتي
وأصبحَ حُبكِ بلوتي
ومن أجلكِ أنتِ رجعتُ
وعُدت لأيام طفولتي
وكتبتُ مراسيل إليكي
وعانقتُ صوركِ بجنون

وأحببتكي حُبًا خيالًا
وحُبًا واقعياً مضمون
وتركتُ نساء تعرفني
وتركتُ نساء أعرفها
وبدأت في عيناكي طريقاً
من يوم مـ بدأت أعشقها
بُلِيت بحُبكِ أَنْتِ
أيتها البيضة والسمراء
ولم أعرف لَوْنُكَ حتى الآن
ومَازَلْتُ أعاني أشدَّ العناء
ولم أتذوق في حياتي
فاكهة مثلك من قبل
يا أجهل من كل مبادئي
وأجل من كل القيم
يا أشدَّ مطراً في تاريخي
وأقوى شمس في سمائي

يا امرأة لم تُخلق من قبل
ولم تُخلق عبر الأزمانِ
بُلِيت بحبكِ ونسيت
تاريخي الأبيض والأسود
وأصبحتُ شخصًا مثاليًا
وأصبحتُ أصلي وأتعبد.



أجهل قلب اتخلق

معاكي القلب بيتوه
وف حُبك بيتورط
أنا راضي عشانك أنتِ
أتعب جدًا وأتمرط
راضي أعاني من أجلك
وتبقي أنتِ مُعاناتي
وأبقى أقرب ليكَ من نفسك
وتبقي أقرب ليّ من ذاتي
وتبقي حياة بـأكملها
وبالنسبالي غير الناس
وتبقي البنت الي بحضنها
وأحس بنعمة الإحساس
بكل اللغات أنا عشقتك
وشوفت فيكي تفاصيلي

ومش شايف في الوجود غيرك
ولا عايزك تشوفي غيري
ولا عايزك تغيبني عني
وأشتاقلك مُعظم الأوقات
ولا عايز أشوف..
في عنيني دمة
ولا عايزك تبقي بحالات
أنا عايزك تكوني سندي
وببساطة تحتويني
ومعاكي أكمل الرحلة
ومن كل قلبك تحبينني
وتبقي معايا طويلا البال
متضايقيش ولا تملي
أنا طبعي غريب لكن قلبي
يشبه للطفل بالمللي
عايز أبقى كل تفكيرك

وكل لحظات الأمان
وأنسيكي كل شيء عدى
وأنسيكي كل شيء كان
وتبقي كل ضحكة ليَّ
وتبقي كمان أنتِ الزعل
وتبقي كل شيء مُمكن
وكل شيء مُحتمل
عايزك تبقي سبب تعبى
وبابتسامتك أنسى التعب
يا صاحبة أجمل ضحكة
وقلبك أجمل قلب اتخلق.



حب إكلينيكي

حُبك يشبه للمُوت
أنا حالتي ميت إكلينيكي
القلب بيكي متمسك
والعقل بيضحك على خييتي
بيقولي انسأها..
دي مش شبهك
إزاي هتحبك وعلى إيه
دي غير كل بنات حوا
ونظرها للكون بتحليه
هتحبك أنت يا معتوه
ده أنت حياتك ماشية زق
وكل ما تضحك للدنيا
الدنيا بتقولك لاء
ابعد وانسأها أحسنلك

وهيَّ مع الأيام هتروح
صدقني للصّح بدلك
أنا شايف الحاجات بوضوح
أصلك طيب بزيادة
وشايفك فيها دايب دوب
دي عنيتها أول ما تشوفك
مش هتشوف إلا عيوب
سيبها تعيش دنيتها
وبطل تحيب في سيرتها
وابعد أنت من الأول
مش لازم تدخل جنتها
والقلب رافض وبقوة
وعاشق عنيكى الحلوة
وشايفك أنت بوضوح
وعن باقي الخلق أعمى
ورافض يسمع أي نصايح

وَمُصمم يغرق في حنانك
وإن شافك ليلة ما بينامش
وبيسهر يتأمل في جمالك
وبيكتبك شعر لحد الصُّبح
وبيتعد يسمع في أغاني
وبتفضل صورتك على باله
لحد ما يبجي اليوم الثاني
يصحى على طيفك وكأنك
ساكنة معاها مبتمشيش
ويتنهد تنهيدة طويلة
ويقوم يقفل كالعادة الشيش
ويروح في النوم بعد دقائق
وكانك هتجيله في منامه
لكنه يقوم على كوابيس
بيحاول العقل يبينهاله
إكمنه مُصمم ع البُعد

والقلب رافض النسيان
ده من يوم ما عيووني
شافت ضيك..
أصبحتُ في حالة هذيان
لانا عارف أبعد عنك ليلة
ولا عارف أقولك يا حبيتي
وكأني بحبك بشكل غريب
أو حُبي ليك إكلينيكي



يـ سـمـرا

حِني على قلبي يـ سمرا
ده أنا قلبي محبش يوم غيرك
وبيشوفك بيطير في سماه
وبيتلخبط في جمال تفاصيلك
وبتبقني توهانه وحيرته
وبتبقني ساعات تفكيره
ومعاه في الهدوء والوحدة
ودايماً بتيجي على باله
وبيكتبك شعر يوماتي
وإدمانك عمال بيزيد
وكأنه طفل برئ حبك
وبقيتي بالنسبـاله العيد
حِني على قلبي يـ سمرا
يـ اللي عيونك تشبه خمرا

أول ما بشوفها بسكر
وملا محك بتصالح قلبي
لو مرة الليل اتأخر
يا اللي وجودك عندي حياة
وفرصة مش ممكن تتكرر
يا جميلة في وصفك وكأنك
شيء نادر جدًا جدًا
يا بلوة لكن قلبي حاببها
وعادي عشانها أتعب أكثر
ده أنا قبلك حياتي كانت مرة
ومحتاج أدوق طعم السكر
ومحتاج لجرعة حنية
ومحتاج لحُب وحنين
وفجأه لاقيتك في حياتي
هدية من رب العالمين
يَسْمرا أنا فيك دايب

وقلبي من غيرك حيران
وكأنك أنتِ الجنة
وعشانك محتاج غُفران
ومحتاج لتوبة وهداية
وعبادة لآخر العُمر
وكان حُبك فيه خشوع
يشبه لوقت الفجر
حِني على قلبي يـ سَمرا
يـ الي بيك عرفت نفسي
وحيتك أكثر من نفسك
وهفضل أحبك مهما تقسي
وهفضل أسهر أستنى ليلك
وأصبر قلبي بنظرات عيونك
وكأنك نجمة في سمايا
وبرغم ضعفي عايز أطولك
ومصمم أغرق فبحورك

وأغرق في الحنية والطيبة
وأغرق في عنادك وقساوتك
لو زادوا عليّ فليلة
حِني على قلبي يـ سَمرا
ده مفيش غيرك سكن القلب
وأنتِ بدايتي وأنتِ نهايتي
وأنتِ هِزاري ووقت الجد
وأنتِ حياتي الي بعيشها
وأنتِ التوبة وأنتِ الذنب
وأنتِ عيوني الي بشوف بيها
ومن غيرك مش شايف حد.



جائز من حبك مت

العشق أهو زاد عن حده
وعنيكي احلوت أكثر وأكثر
ومبقتش أشوفك واحدة عادية
بقيت أشوفك أجمل وأجمل
وبقيتي بتحلي الوقت
وبتحلي حياتي بأكملها
وغيابك بقي حاجة تضايق
ووجودك حاجة أنا بعشقها
العشق أهو زاد وأنت بعيدة
ومفيش ولا غيرك بيوحشني
والزهد أهو زاد
والفكر أهو طال
وغلبني الشوق وغلبني
واشتقت لعنيكي بشدة

وبقيت أحسب المدة
وأتمنى أشوفك من تاني
وقلبي بيستنى الفرصة
العشق أهو زاد وكأنك
كنت معايا من أول لحظة
أو نعرف بعض بقالنا كثير
وبنفهم بعض من نظرة
لخبطي كياني بجمالك
وعنيكي المليانة قوة
مليانة حاجات تتحب
وكلك على بعضك حلوة
تشبهي للحاجة النادرة
والحاجة اليي بتحصل بصعوبة
وللمطرة في آخر مايو
ولكل الحاجات المجنونة
تشبهي للشمس في ضحكتها

وفي حنيتها وقساوتها
تشبهي لآخر غنوة
فيروز للعالم غنتها
تشبهي للضحك المستيري
والحاجة اليي بتيجي على غفلة
تشبهي للحاجة المختلفة
وبتخطف العين بجماها
ولبنت في سن الـ 16
ولبنت في سن الـ 20
ولبنت ضحككتها حكاية
ولبنت عاقدة الحاجبين
تشبهي للوردة في أوصافك
وأنا قلبي ييحب الورد
فأول مشوفتك حبيتك
وخطفتي الروح والقلب
وتاه العقل في توهانه

ونسيت الناس وفرحت
ودخلت الجنة وأنا عايش
أو جاز من حُبك مُت.



حبك إدمان

حُبك إدمان
يشبه لجنون
وأنا شخص حنون
معرفش أقسى
معرفش أنسى
معرفش أبطل..
أعشق حاجة..
دخلت قلبي..
وحييتها في يوم
حُبك إدمان
وأنا مُدمن نظرة من عينك
وكل ما الدنيا تاخدني
وأبدأ أنساكي أجيلك
وأحتاج أضمك وبقوة

ألا قيكى خيال..
وكأنك شيء دائماً يبعد
ويبقى في أيدي بس مُحال
وكل مـ أحاول أنسى كلامك
تيجي عنيكى وتفكرنى
وتيجى كالعادة كام ذكرى
توجع قلبى وتسهرنى
وأسهر ليلى وأنا بتنهد
تنهيدة بتسمعها جيرانى
وأتحول فجأة لمجنون
وأنام وأصحى واحد تانى
وأنا قلبى ضعيف لسة بينزف
والجرح ملمش ولا ثانية
فشلوا الأطباء يعالجونى
وكأنى حالتى بره الكيميا
حُبك إدمان وأنا أدمتتك

وبقيتي خلاص

تجري في دمي

بقيتي الضحكة

الي أنا بضحكها

وبقيتي خلاص أكبر همي

ومش عارف أبطل إدمانك

ومفيش دكتور عالج حالتي

مش عارف أبطل اشتاقلك

ولا أبطل تفكير فيك أنتِ

وبتيجي على بالي

أول ما أصحى

وبتيجي على بالي

قبل ما أنام

ومعايا في معظم أوقاتي

ومعايا كمان في الأحلام

وكل ما أقول هنسائي

من تفكيرى ف النسيان أشتاق
مهو صعب تبقي لسة حبيتي
ويحصل بينا أي فراق
وأنتِ أكثر حاجة أنا بعشقها
بطريقة ملهاش نسيان
يا شيء ثابت في ذاكرتي
ووجودك في حياتي إدمان
ده أنا كل ما أقول هبعد عنك
أحتاج إني لحضنك أهرب
وكأن فيك جاذبية..
وكل ما أبعد عنك أقرب.



دايمًا غايبة

دايمًا عن عيني بعيدة
دايمًا غايبة ودي عادتك
دايمًا سيباني في حيرة
مع إنك عارفة إني بحبك
دايمًا سيباني لو حدي
أعاتب في صورتك وأحكيها
وكأني بتكلم مع واحدة
عن واحدة تانية غيرها
وبحكيها كل اللي في قلبي
وأتحاqq جدًا وأتعصب
وأبكي قدامها وبيان ضعفي
وأحتاج إن حُضنها أهرب
بحكي لصورتك عن وجعي
وأتنهد وأكتب أشعار

وَأَنْتِ عَاشِةٌ حَيَاتِكَ جَنَّةَ
وَسَيَّابِي فِي قَلْبِ النَّارِ
بِحِكْمِكَ وَمَعَاكِ بِفَضْفَضِ
لَأَجَلَ إِنَّكَ مِنْ تَانِي تَحْنِي
وَبِرْسَمِ فِي عَيْنِكَ خَرِيطَةَ
مَنْ أَجَلَ إِنَّهَا تَفْهَمُنِي
وَتَعْرِفُ إِنِّي بَعَشْتُهَا
وَأَنَّهَا أَصْلًا كُلَّ الْعَشَقِ
وَأِنْ غِيَابَكَ يَبْجُوعُ قَلْبِي
وَأِنَّكَ صَدَقَ وَسْطَ الْكَدْبِ
وَأِنَّكَ حَاجَةٌ لَا تُنْسَى
وَأِنَّكَ شَيْءٌ دَائِمًا يُذَكَّرُ
وَأِنْ غِيَابَكَ شَيْءٌ صَعْبُ
وَأَحْسَاسِ الْمَوْتِ مِنْهُ أَجَلَ
بِعَاتِبِكَ عَلَى حَاجَةِ عَمَلَتِهَا
وَبَشْكِي مِنْكَ وَإِلَيْكَ

وبصالحك لو زدت في القسوة
أو زدت في عتابي عليكي
بصالحك وأنا الزعلان
وبداوي جراحي مع جراحيك
وبخاف حتى أزعل صورتك
لتروح زي الأصل مـ راحت.



شكلي بحبك

شكلي بحبك

ومتسألش ..

لا حصل إزاي ولا إمتى

مـ أنتِ اللي زي السُّكر

وحلاوتك أصلاً زائدة حبة

الذنب ذنبك مُش ذنبي

إنك تدخلني بسهولة قلبي

وإن مشوفش فـ الكون غيرك

وإني معرفش عنك أخبي

ومتسألش حتى ليه

لأنني أساساً معرفش

كل الحكاية إني معاكِ

بحسب إحساس ..

ملهوش وصف

وبوجودك بيحلو يومي
يا سكر بيحلي الوقت
إزاي خلّيتني أحبك كده
وأنا أصلاً مش ناوي أحب
وإزاي كسرتي روتين حياتي
وغيرتها بكل مـ فيها
وقدرت أعشق عنيكِ
وكل ضحكة بتضحكيها
حييتك من غير استئذان
ودخلتي قلبي أوام
ولو غبت عني
يومين ثلاثة
بسببك مبعرفش أنا
وبقيتي بتوحشيني جداً
وفوق الـ جداً بمراحل
وكأني أدمنت وجودك

ليه وإزاي أنا مش فاهم
وبقيتي في حياتي أهم
من أي حاجة كانت مُهمة
نستيني كل لحظة وجع
وكل حاجة كمان مُملة
حييتك من غير تفكير
وكأني عارفك من سنين
يـ ملاك على هيئة بشر
وناقصلك بس جناحين
شُوفتك حلوة بزيادة
وغير كل البني آدمين
وكأنك مخلوقة من ماس
وهُما اتخلقوا من طين
شوفتك حلوة بجنون
ومبيكسر كيش أي شيء
ملا محك بتضحك برغم الوجع

وعنيك حلوة بشكل غريب
شوفتك حاجة، وهما حاجة
و معاك حسيت بالأمان
وإزاي أصلاً منك أخاف
وعنيكي مليانة حنان
وإزاي أشوفك أبان طبيعي
وعادي جداً ومتهزش
وأنت اللي بوجودك بعيش
حتى من غير ما أتنفس
وإزاي عيوني تشوفك عادية
وبوجودك متتأثرش
وأنت نورك يا حبيبي زايد
ويشبهه لأشعة الشمس
وإزاي واحدة زيك أنت
تتشاف عادي ومش حلوة
وإزاي واحدة زيك أصلاً

متحش بمتهى القوة
ف متسألش عن أى حاجة
ملهاش عندي إجابات
وأنتِ اللى أول ما تتشافي
بتتحي من غير أسباب.



سلطان زهاني

هو أنتِ ليه
مكتيش معايا
يا حبيبتى مـ البداية
كانت هتفرق صدقيني
في السيناريو والحكاية
كان زمانى قلبي خالي
دلوقتي من مليون وجع
كان زمانى سلطان زمانى
وأسعد واحد في المجتمع
هو أنتِ ليه كُنتِ بعيدة
طول الوقت اللي عدى
وإزاي الأيام قدرت..
متجمعش في يوم ما بينا
وإزاي عيوني ماشافتكيش

ولا اتقابلنا في مرة صُدفة
ولا كنتِ معايا في ابتدائي
ولا من جيلي ونفس الدفعة
هو إحنا ليه مش جيران
وكنت عليكِ بسأل وأرن
وبرغم إني ثقيل جدًا
كنت معاكِ مش هبطل زن
وكنت هشوفك بـ استمرار
ووقت الصُبح عليكِ أَصْبَحَ
وأستنى أشوفك آخر اليوم
وفي وقت رجوعك
ضحكتي ترجع
هو إحنا ليه سهرنا الليالي
وإحنا أساسًا مش مع بعض
وليه حُضْنك مكش سندي
وأنا أضعف واحد ع الأرض

هو أنا ليه عرفتك متأخر
وإزاي أنا وأنتِ سرقنا الوقت
وسبتي ناس تدخل حياقي
وياما سبت وياما اتسبت
كان زمانك أنتِ الحبيبة
وأنتِ اللي في القلب ثابتة
ليه تسيبي قلبي يعرف
قبل منك ألف واحدة
ليه تسيبي لو حدي تايه
وأنتِ اللي عارفة الطريق
عايزك تنسيني اللي فات
وأتولد على إيديك من جديد.



شبه الأطفال

متزعلش وحياة عيونك
أنا قلبي مش مُمكن يخونك
ده أنتِ لو زعلتي مني..
بعاتب نفسي قبل ما ألو مك
وبزعل على زعلك وأحس
إن حياتي بقي فيه نقص
ده أنتِ شيء مُهم جدًا
شيء ملوش عندي وصف
ده أنتِ اللي بيك بلقي روعي
وكل حاجة بتكتمل
وقلبي بيعشق ابتسامتك
اللي بتديني أمل
وكل نظرة حُب وحيرة
وكل نظرة فيها غيرة

وكل تنهيدة منك بتطلع
حتى كمان التكشيرة
متزعلش و حياة عيونك
ده القلب من غيرك عليل
ومعالك أنت بينسى حُزنه
وبينسى تعب السنين
ومن امتى وإحنا بنبعد
لما بنبقى متخانقين
هو إحنا عشرة يومين
ده إحنا عشرة سنين
ومن امتى عن بعض بنغيب
دي كل حاجة فينا بتتلاقى
من امتى أصلاً بنزعل
لو حصل بينّا مليون خناقة
مـ أنت عارفة إني عصبي
وأنا عارف إنك حنونة

أَتَقْلُ عَلَى مِينَ غَيْرِكَ وَأَدَّلَعُ
وَكَأَنِي طِفْلٌ فِي سَنَةِ أُولَى
وَأُضْحِكُ لِمِينَ وَلِمِينَ أَكْثَرُ
وَمِينَ عَشَانِهِ أَزْعَلُ وَأَفْرَحُ
وَأَمَّا يَغِيبُ يَوْمِينَ ثَلَاثَةَ
أَجْمَعُ فِي الْأَيَّامِ وَأَطْرَحُ
وَأَعَاتِبُ مِينَ عَدَا الْغِيَابِ
وَأَقُولُ لِمِينَ عَلَى لَبْسِهِ عِيبُ
مِينَ يَطْلَعُ عَيْنِي غَيْرِكَ
وَمَعَ ذَلِكَ أَكُونُ سَعِيدُ
أَحْكِي لِمِينَ تَفَاصِيلَ حَيَاتِي
حَتَّى الشَّيْءِ الْمُمْلِ
وَبُضْحَكَتِهِ أَنْسَى وَجْعِي
وَيَبْقَى فِي حَيَاتِي سِرُ
وَمِنْ أَمْتِي بِنْتِخَاصِمِ
وَبِتَعَامِلِي زِي الْغَرِيبِ

دي عنياك مبتعرفش تزعل
وقلبك أبيض زي الحليب
مـ طول عُمرنا ناقر ونقير
وعاملين شبه الأطفال
بتتخافق وبعد دقايق
نضحك ونقضيهـا هزار
طول عُمرنا زي المجانين
وينشبه بعض بالمللي
بس مبقدرش أبعد عنك
ولا بتقدرني تبعدي عني
ومين إمتى عن حضنك ببعـد
ده حُضنك مكاني المُفضـل
ده أنا لو هموت جوه حُضنك
عادي أموت بس أفضل .



مليون حداد

لسة ليَّ عندك ضحكة
بتداوي فيَّ كل جروحي
ونظرة من عيني الحلوة
بتردلي يا حبيبتني روحي
وحبة حنين واشتياق
وحبة عناد وحبة بعاد
وكام خناقة ومُشكلة
يشبهوا لزعل الولاد
ما أنا لسة طفل فيك بيكبر
وأنت فيَّ بتكبري
وكل تفاصيلك معايا
حتى وأنت بتحلّمي
كل أسرارك عارفها
كل عيب وكل ميزة

وكل ضحكة مُزيفة
وكل حُصن بعد غيبة
وكل خيبة وانكسار
وكل لحظة انهيار
ده كل حاجة فيك ملكي
وخصوصًا عنيك الجمال
كل شيء فيك حافظه
وعارفه يا حبيبتى صم
م أنت بنوتي الشقية
وبالنسبالي برضه أم
وأنت عشقي الوحيد
ولايقة عليّ ونفس لوني
وأنت اللي بتشبهيني جدًا
وكأنك مخلوقة عشاني
ده أنت لوحة اترسمت في قلبي
وكل أبعادها وحدودها عندي

ومش مسمو حلك تكرهيني
ولا حتى تحبي بعدي
ومش من حقك تبقي خاينة
حتى مع نفسك في الخيال
أنت حاجة ساكنة في
والبعد عنك شيء محال
لسة لي عندك حاجات
لسة فيه أصلاً وعود
ده أنت حبيبتني أساساً
من قبل ما يكونلك وجود
ده أنا اللي علمتك تحبي
وأنا اللي علمتك تميلي
فمش مسمو حلك
تفارقني حُضني..
ولا مسمو حلك تحبي غيري
وصعب جداً ليك أسمع

تعملي بينا حدود
ده أنت أول فرحة لي
وكل العالم والناس شهود
ده لو شافوني لوحدي مرة
يستغربوا جدًا غيابك
وكل عيونهم عنك بتسأل
وكان الشمس غابت
ده أنت طفلة على إيدي كبرت
ووردة زرعته بـ إيدي
وحضنك مكاني المفضل
وقلبك عنواني وبيتي
لسة لي في حضنك دقائق
كل ليلة زي عادتي
لسة هنسهر نعد النجوم
وأتوه في جمال عنيك
وتاخدني..

لسة هسمع نبض قلبك
وأسألك مليون سؤال
لسة هتتعاب ونزعل
بسبب الغيرة والإهمال
لسة هتحلوي في عيني
وتزيد نسبة الاشتياق
وأنسى حزني لما أشوفك
وأنسى أصلاً كل الحاجات
لسة هحكيلك حكاوي
ونروح سيما كل خميس
لسة هاخذ بوسة سرقة
من شفايفك الي شبه الكريز
مش مسموحلي أحب غيرك
ولا مسموحلك بالغياب
ده أنت ليك ركن خاص
جوه قلبي وألف باب

وَأَنْتِ مَصْدَرُ اشْتِيَاقِي
وَالِي فِيكَ قَلْبِي دَاب
وَأَنْتِ الشَّيْءُ الْبَاقِي
لِيَّ لَوْ الْكُلُّ غَاب
وَأَنْتِ الرُّوحُ
الَّتِي سَاكِنَةٌ فِيَّ
وَحَبِي لِيكَ شَهَادَةُ مِيلَادٍ
وَأَنْتِ رَاحَتِي..
وَلَوْ عَنِي رَوْحَتِي
أَعْمَلُ بَعْدَكَ مِلْيُونَ حِدَادٍ.



كان زمانك

كان زمانك جنب مني
بنشوف فيلم السهرة سوا
كان زمانى أما بتعب
بتديني بـ إيديكي الدّوا
كان زمانك المسكن
وبالنسبالي أفضل علاج
اللي بيدوي فيّ الجروح
وبينسيني الزعل والاكتئاب
كان زمانك أفضل صديق
كان زمانى لسة الحبيب
وفي كل وقت بحضنك
من غير مـ تقولي عيب
كان زمانك كل حاجة
وبالنسبالي شيء واقع

كان زماني جوه قلبك
وحافظ فيه كل شارع
كان زمانك جوه حضني
بحكيلك عن يومي السخيف
وإنك جنة بالنسبة ليَّ
والعالم من غيرك مُحيف
كان زمانك الأمان
والنظام وكل فوضى
كان زماني مُستقيم
ومفيش في حياتي غلطة
كنت هتعب كتير عشانك
وبقليلي عادي هرضى
كنت هرتاح لما أشوفك
ويروق بالي من أول نظرة
كان زمانك مع كل نغزة
وتنهيدة طالعة م القلب

كان زمانك أنتِ التعب
وكل شيء مُستحب
كان زمانك بنت ليّ
وبعاملك زي أبوكي
كان زمانك على راسي تاج
وشايلك جوه عيوني
كان زمانك بيلك بقدر
كان زمانك بيّ أقوى
كان زمانك بشوف بعنيكي
كل حاجة في الدنيا حلوة
كان زمان عنك مدينتي
كان زمانك أم بنتي
كان زمانك بغير عليكي
لو في يوم عن عيني غبتي
كان زمانك مبطل سجاير
ومعاك طول الوقت بضحك

وبمشي في خريطة عنيكِ
وأزعل لما تزعل ملامحك
كان زمانك الحياة
وبالنسبالي أنتِ السند
وكل شيء مهم عندي
وكل حلم بيتولد
كان زمانك احلويتي أكثر
وكل يوم بيزيد جمالك
ومكنتش هسهـر
كثير وأفكر
وأقول كان زمانني
وكان زمانك.



تشبيها

لسة عامل مبحبكيش
لسة بعمل إني ناسيكي
لسة بخبي إحساسي عنك
أول ماتيجي عيني في عنيكي
لسة بحاول منك أهرب
وأنت معايا باستمرار
غرقانة معايا في مشاكلي
وفي ساعات الهزار
وبتطبطبي بكل رقة
على قلبي أول ما أخاف
ومن غير ما أقول إني بحبك
نظرات عنيا اعتراف
وعارف إنك بتحسي بي
زي منا بحس بيك

وعارفة إني بحبك أنتِ
وإني بعشق كمان عنيكِ
وعارفة إني..
بتداري في صمتي
وإني بهرب من أي وعد
وإني أكثر شخص حبك
وأنا وأنتِ أقرب اثنين لبعض
وإنك عندي حاجة غالية
لا تُقدر بتمن
وإن مكانك في القلب ثابت
مهما يعدي علينا الزمن
وعارفة إني بكذب ساعات
وبقول إن في واحدة غيرك
وأما تسأليني عنها
بضحك وأقولك بعينك
وبتعامل معاكي معاملة عادية

وَأَنْتِ أَكْثَرُ وَاحِدَةٍ بَتَحْسِي بِيَّ
وَبَتَعْرِفْ مَالِي مِنْ قَبْلِ مَ أَنْطَقْ
وَبَتَفْهَمِي نَظَرَاتِ عَيْنِي
وَعَارِفَةٌ أَصْلًا إِنِّي بِكَدَبٍ
وَبِتَأْخِذْنِي عَلَى قَدِّ عَقْلِي
وَمَهْمَا أَعْمَلُ حَاجَاتِ تَضَائِقِكَ
بِلَاقِيكِ جَنْبِ مَنِي
وَعَارِفَةٌ إِنِّي بِحِكْمِي عَنْكَ
وَإِنِّي كَلَامِي كُلَّهُ عَشَانُكَ
وَإِنْ صَعِبَ قَلْبِي يَعْرِفْ
أَوْ يَشُوفْ وَاحِدَةَ مَكَانِكَ
وَإِنَّكَ حَكَائِي إِلَيَّ أَنَا بِحِكْمِهَا
طَوْلَ الْوَقْتِ وَأَنَا مَعَاكِ
وَأَنْتِ إِلَيَّ أَنَا بِجَنُونِ حَيِّتِهَا
وَأَنْتِ إِلَيَّ بِمَقْدَرِشِ أَنْسَاكِ
وَأَنْتِ إِلَيَّ بِقَوْلِكَ عَنْهَا حَيِّتِي

واللي أنتِ نفسك تعرفيها
الي بتشبهك في كل حاجة
وبتقولي إنك تشبهيها.



شهر يناير

الوقت عدى ودخل الشتا
وزاد البعاد وقل اللُّقا
والليل ساعته زادت
وزاد معها البُكى
وكل شيء أصبح غريب
والملل أصبح روتيني
ولسة بضحك..
وأنا مش سعيد
ودايماً وحيد
مع إن فيه حواليا ناس
عن شمالي وعن يميني
والشتا من غير حبيبة قاسي
والوحدة بتقتل الإحساس بِبطء
ومع إني كائن شتوي

في بُعدك حسيت بالبرد
الشتا من غيرك مُختلف
بكل مـ فيه من تفاصيل
ومع إن الشتا فصل الشعر
مبقتش بكتب فيه كثير
صحيح في مطر
بس أنت غايبة
وأنا بعد منك قلبي خالي
ومبقتش أود أي حد
ولا بعدك حد جالي
ومبقتش أسمع لفيروز أغاني
وكأني دلوقتي حد تاني
لا غاوي يسهر زي عادته
يتأمل في جمال حبيبته
ولا عنده أصلاً حد غالى
ومبقتش آكل آيس كريم

ولا أعمل بيات شتوي
وكأن الشتاء أصبح حزين
علشان أنتِ غبتي
وشهر نوفمبر من غيرك
ملوش معنى ولا قيمة
لا بخرج فيه زي العادة
ولا حتى بروح سيما
ولا حتى بقيت عارف حالتي
ولا عارف مالي
والقلب بـحُبِّك مُزْدَحَم
وف نفس الوقت
أصبح خالي
ومن بعد مـروحتي
معاكي راحت
الضحكة المرسومة على وشي
وظهرت تكشيرة الحُزن

ومش عارف ألاقي نفسي
وفجأة غابت كل الحاجات
ومفاضلش منها غير ريمتك
في جاكيت كُنتي لبساه
وحابة فيه تفاصيل شكلك
كان جنان أصلاً عليكي
إكمنه لونك المفضل
ومع إني كنت هموت مـالبرد
حببت إنه عليك يفضل
كنت بحب أشوفك فيه
وكأنك شيء بيحليه
كُنتي دفايا في عز البرد
وكل طريق قلبي بيمشيهِ
مبقاش فاضلي غير حُضن
وكام ضحكة بقت ذكرى
في فرق كبير بين دلوقتي

وبين آخر شتا عدى
من بعد مـ غبتي في ديسمبر
وفجأة نهيتي أحلامي
ويجي يناير ألاقى خيال
والواقع بقى شيء تاني
وأنا متعود أبقى معاك
وخصوصاً في شهر يناير
أقول شعر تاني لمن
من بعدك خلاص مش قايل.



NUMBER ONE

يدوم الشعر لو ليكي
تدوم الضحكة لو منك
تدوم البسمة في عنيكي
يا أحلى من كل اللي في سنك
تدومي معايا بـ استمرار
وأفضل أحبك لأبعد حد
يا أحلى حاجة بتحصلي
وأجمل ضحكة وقت الجد
تدومي معايا وفي قلبي
وتفضلي في حياتي
أجمل سر
يا أكثر حاجة بعشقها
ووجودها بيغنيني عن الكل
تدوم ملامحك على بالي

ومفیش غیر عنیکی تحلای
تروح روحی ولا تروحي
ویفضل قلبی بعدک خالی
یدوم حبی لیکي ویزید
وتحلوی فی عیونی أكثر
یدوم التفکیر لو فیک
وعشانک أسهر وأفکر
یدوم اشتیاقی لو لیک
تدوم الحیرة والفکر
یدوم وجعی فی غیابک
یا حاجة غیابها
مش بالسهل
یدوم حضنک مکان لی
یدوم وجعی لو منک
یدوم قلقي وخوفي علیکی
وتکشیرتی وأنا بعید عنک

تدومي أنتِ والكل يغيب

يا NUMBER ONE

في الترتيب

ده لو كل البشر جنبي

وأنتِ بعيدة هبقى وحيد.



صدفة

شُوفتك صُدفَة
دخلتي القلب
وكأنك ضحكة
وسط الجد
كأنك حسنة
بتمحي ذنوبي
وحقيقة بعيشها
وسط الكذب
كأنك عالم
مليان حنية
أو حالة جديدة
غريبة عليَّ
كأنك حاجة بتصالح
قلبي الزعلان عَ الدنيا
وكان عنيكي بتتأسف

على كل شيء قبلك عدى
وأما بتضحك الدنيا بتضحك
وكل حاجة رافضة بترضى
وبتحن الدنيا وبتروق
مع كل دقة من قلبك
وكأنك طفلة في صفاتك
لكن فجأة كبر سنك
شوفتك نسيت الماضي
ودخلتي القلب بدون فيزا
وبقيتي معايا برغم البعد
وبشوف طيفك كل ليلة
كأنك شيء سكن روحي
ورافض إنه يخرج مني
معاكي أنتِ بكون أقوى
وبحن أول مـ تحني
شوفتك واقع يشبه لخيال

أو حلم حلمته بيتحقق
وبقيتي الماضي والحاضر
وشيء صعب يتصدق
شوفتك وردة مبتدبلش
وعمالة بتحلو وتفتح
وكأنك شمس بتشرق
أول مـ الليل بيروح
يـ أجمل شيء أنا شوفته
وحسيته أوام عن بُعد
وإجابة لسؤال مجهول
وأسهل شيء كان صعب
يـ أعلى مرتبة لنجاحي
والمحافظة عليها غالية
يـ نجمة ونورها زايد
ودايماً في السما عاليا.



حببيك الھتطفل

بتوحشيني طول الوقت
برغم إني مبوحشكيش
بشوفك حلوة في عيوني
مع إنك مبتشوفنيش
بشوفك حاجة تشبهني
وفي نفس الوقت مُختلفة
وأكثر واحدة بشوفها مُخيفة
وبشوفها كمان خايفة
بشوفك لو حدك عالم
وبشوف كل البشر أنتِ
في وجودك بشوف الكل
وبيغيبوا بس لو غبتي
بشوف تفاصيلك أعشقها

وَأَنْتِ تَشُوْفِي فِي الْعَيْبِ
وَكَأَنَّكَ حَابَةٌ إِيَّيْ أَحَبِّكَ
لَكِنْ مَكْنَشْ لِيكِي حَبِيبِ
وَإِيَّيْ أَحَبَّ عَيْنِي وَأَعَشَقَهَا
وَأَفْضَلَ أَحْنُ وَأَشْتَاقُ
وَأَكُونُ حَاجَةً مُهِمَّةً فِي حَيَاتِكَ
لَكِنْ مَنُكْنَشْ عُشَاقُ
وَتَبْقَى الْحَاجَةُ إِلَيَّ بِمَلِكْهَا
وَفِي نَفْسِ الْوَقْتِ بِمَبْلَكْهَا
وَكَأَنَّكَ حَيَاةً كُنْتُ حَابِبَهَا
وَمُتْ وَمَعِيشَتَهَا
وَكَأَنِّي لَمَّا حَبِيبَتِكَ
ظَهَرْتُ فِي وَقْتٍ مُتَأَخِّرِ
بَعْدَ مَا كُنْتُ شَوْفَتِي وَجُودِي
صَدِيقٍ فِي حَيَاتِكَ مَشْ أَكْثَرِ

فـ مش عارفة تشوفيني حبيب
ومش قادرة تقيمي علاقتي
وفجأة ألافيكي تقولي حبيبي
وفجأة ألافيكي غبتي
فتبقي الحاجة والعكس
وحنونة بتعرفي تقسي
والحاجة الأقرب لكن أبعد
من روحي ومن قلبي
فـ أشوفك حلوة في حلاوتك
فـ أمسك فيكي فـ تسيبي
وتبقي معايا وفي أيدي
ولحظة ألافيكي بتضيعي
كأنك سيما بدخلها
وألاقي العدد كومبليت
ومشوفش غير آخر مشهد

وأنا واقف من بعيد
كأنك موج عالي عليّ
وأنا قلبي ملوش في العوم
كأنك وجع سكن فيّ
وحالف أصلاً إنه يدوم
يحكاية رافضة إنها تكمل
أو ترجع لمكان مبدأت
معاكي بفرح بس دقائق
لكن بزعل طول الوقت
أنا حببيك المتطفل
أنا العاشق الوهان
اللي بيتصل في وقت متأخر
وحبيبته الحلوة عايزة تنام
أنا اللي بكتب كل الشعر
ومبتقريش منه ولا حرف

الي بيزعل..
وهو الي بيصالحك
من 12 لحد الصبح
أنا الي بسهر أشتاقلك
وأنتِ ولا مرة تشتاقي
وحيتك بدون أسباب
وأنتِ شوفتيني عادي.



مـ تاخدي بالك

مـ تاخدي بالك إنك حبيبتني
وإنك حاجة في القلب ساكنة
وإنك رُكن خاص في حياتي
وأكثر حاجة بتعب عشانها
مـ تاخدي بالك إني عاشقك
وإنك حياة بالنسبة ليَّ
وإنك أجمل مـ في الوجود
وأحلى مـ شافت عنيا
وإني مـ بشوفش غيرك
وقلبي مش مُمكن يشوف
وإنك أصلاً حُب عمري
وحاجة بتنسيني أي خوف
وإن فيكي القلب داب

وبسببك العقل غاب
وإن بنظرة واحدة منك
اتفتح في قلبي ألف باب
وإنك عندي شيء مُفضل
وأحلى وأجمل ابتلاء
وإنك جنة بدخلها فجأة
بعد ما القلب تاب
وإن ليكي الشوق يزيد
ولو غبتي عني بصبح وحيد
وإنك فيروس ملوش علاج
وبيجري في دمي والوريد
ما تاخدي بالك إنك الراحة
لقلبي وأنتِ التعب
وإنك ساعات الرضى
وكل ساعات الغضب

وإنك الضعف والقوة
وبالنسبة لي أنت السند
وإن حياتي في البعد عنك
بتبقى كماله عدد
مـ تاخدي بالك إني بحبك
ومعالي بتحول لـ قيس
فكوني في حياتي ليلي
لو ليلة واحدة بس
وانسى كبرياءك وحنني
وارقصي معايا وغني
ده أنا روجي بتكمل بروحك
وأنت أصلاً نبض قلبي
مـ تاخدي بالك إني بموت
لو شوفتك ليلة بتبكي
وإني بضحك قدام عنيكي

وإنك أصلاً مصدر سعادتي
مـ تاخدي بالك إنك حنونة
وأنـتِ اللي بتحاولي تقسي
وإنك بقيتي حب عُمرِي
وبحبك أكثر مـ بحب نفسي.



حب جبان

حُبُّكَ لِيَّ حُبَّ جَبَانٍ
كان خايف يظهر للشمس
كان خايف يسمع فيروز
ويركز في الإحساس والوصف
كان خايف يظهر للنور
وحابب يفضل في العتمة
لما أنتِ خائفة تحبيني
ليه مقولتيش مـ الأول لاء
ليه كنتِ معايا وغاية
وسايبه في حاجات منك
لا أنا عايش معاكي في الجنة
ولا ميت مـ البُعد عنك
لا أنا تعبان ولا مرتاح

ولا عيني بتشوف النوم
مش عارف أضحك ولا أبكي
ولا عارف مبسوط ولا مهموم
ليه قلبك حَبْنِي وبشدة
وعقلك حيران ويفكر
وأنا طفل اتعلق بعيونك
وبقيتي بالنسبالة سُكر
وشاف منك حنية..
وآمان عُمره مَحْسُهُ
وكأَنَّك بالنسبالة حياة
وَأَنْتِ الإحساس نفسه
وكأَنَّك شُعاع النور
اللي بينور كل حياته
والضحكة اللي بيضحكها
وَأَنْتِ كمان نفسه وذاته

ليه سيبتني قلبي يتعلق
وعنيكي الحلوين تقتلني
وكنت تقسي عليّ ليلة
وفي الليلة الثانية تحني
ليه مُختلفة في عشقك
وبتفتكريني وتنسيني
ده أنا قلبي ماشافش إلا عيونك
والنظرة منها بتحييني
ليه بتهربي من أي وعود
وأما بتوعدي مبتوفيش
وبتغيبني عني، وعارفة إنك
لو غبتي حياتي مبتمشيش
ليه بتسبينني في حيرة
وأفضل بَعْدك قلقان
وبتسبينني أعوم في بحورك

وأرجع في الآخر عطشان
ليه حُبك ليَّ حُب مُحيف
حُب سخيف أصبح بارد
إدمانك زاد وف حُبك مُت
وده شيء حقيقي مش وارد.



ناقصلي ضلع

لما بتزعل قلبي بيزعل
وفجأة يقفل كل بيانه
وأما بتضحك قلبي بيضحك
والعالم بتتغير ألوانه..
وبشوفه أساساً شيء تاني
فيه كل حاجة عجباي
وبيغني القلب مبيدقش
وبيسهر يكتب في أغاني
وأما بشوفها من الفرحة بطير
وكأن وجودها بالنسبالي حياة
وأما عيوني تيجي في عنيتها
أول كلمة بقولها الله
دي حلوة في وصفها بزيادة

وبوجودها العالم بقى جنة
وكأنها مخلوقة من ماس
أو اتخلقت من ورد وفراولة
وأما تنادي وتنطق اسمي
صوتها بيخطف قلبي معاه
وأما تغير وأما تميل
بتيقى أجمل خلق الله
وأما بتحكيلى أسرارها
وتزهق وأبدأ أصبرها
وتفضل تبعت في رسايل
ف يجب قلبي حوارها..
ويفضل يحكي معاه كثير
لحد م يخلص فجأة الليل
ويضحك وقت شروق الشمس
من بعد م كان عليل

وأما تغيب الضحكة تغيب

وتوحشني عنيتها بشكل غريب

وأما بتسكت قلبي بيسكت

والليل بيتحوّل فجأة كئيب

وأما أشوف التبريقة

وأما ترفعلي حاجبها

لما أعمل حاجة تعصبها

أو شيء مش عاجبها

بتبقى حلوة في النرفة

وأنا أصلاً ببقى حاببها

وأما عليّ بتدلّع

وفي دلّعها تتمادى

بشوف البنت اللي جواها

فأعشق أنوثتها بزيادة

وأما بتحضني بقوة

حُضَن مبقدرش أنساه
بحسه إنه شيء كان ضايع
وأنا ما صدقت ألقاه..
وبخاف لتكون آخر مرة
وبخاف ليكون آخر حُضَن
بحنضنها حُضَن من قوته
بطلع منه ناقصلي ضلع.



يدوب ضحكت

يدوب ضحكت..
وخطفت قلبي بالضحكة
وابتديت أتوه في أوصفها
وجماها كأنها وردة
دي مخلوقة بـإبداع
وتتشاف بمُنتهى الدقة
تغيب الشمس لو غابت
عن العالم ضحكتها
تشوفها يتوه الكلام منك
وتغيب عن الوعي مُدة
التأمل في جماها عبادة
وحاجة تدخلك جنة
تشوفها يرق ويدوب
ويحن قلبك الجاحد

وتتحوّل لشخص مُتيم
وتبقى كمان عاشق
وتتحوّل لشخص غريب
جديد أصلاً متعرفهوش..
وتتأكد إن الي دخلوا حياتك
كانوا ناس مايستهلوش
وتعرف إنهم كانوا فالصو
بعد مـ عنيك تشوف الماس
دي مُختلفة في كل أوصافها
وحاجة بجد غير الناس
ضحكت ضحكة خطفتني
وسرقت كل الحاجات فجأة
وكأني في مكان ضَلَمَة
وشوفت النور على غفلة
وكأني طفل شاف لعبة
وأول مرة يشوف كرتون

فتاه عقله واتلخبط
وفرح بكل جنون
جماها شيء ميتصدقش
ولا يُحكى ولا يُعقل
كأنها حُورية من الجنة
ويمكن كمان أحسن
كأنك مُت دلوقتي..
وفي الجنة بدون حساب
ونسيت الماضي بتفاصيله
ونسيت معاه كل العذاب.



تسمحيلي

تسمحيلي أحبك إذا أمكن
وأكتبك شعر من الليلة
وأقول عادي إني بحبك
وأتنهد تنهيدة طويلة
وأهتم بيكي أكثر وأكثر
ومنقولش تاني إحنا أصحاب
وأغير عليك غيرة العاشق
وأسمع كاظم وعمر ودياب
وأقولك يـ حبيبي عادي
وأناديك بـ اسم الدلع
وأجيبك كل يوم وردة
وأنسيكي مية وجع
تسمحيلي معاكي أهرب
لـدنيا جديدة وعالم خاص

وأطمّن بوجودي معاكي
ونبعد عن كل الناس
ونزود عدد العشاق
في دُنيتنا كما أن اتنين
وأرتاح وأنا جوه حُضنك
وأنسى تعب السنين
وتبقي بيت أسكنه
ومخرجش منه
غير لما أموت
تبقي عندي كل الحاجات
أو حاجة ملهاش حدود
تبقي ليّ صديق وفي
أحكيه كل الحكايات
أبقى في نار لو غبت عنك
وتبقي جنة وقت الممات
تبقي حاجة أسند عليها

أول ما أقع أو يوم أميل
تبقي عندي كل الحاجات
وحاجة بعشقها بضمير
تسمحيلي أكتبك شعر
غير كل اللي كتبه
دي قصيدة الشاعر لصديقه
غير قصيدته لحبيته
تسمحيلي أغير أبياتي
وأكتبك من الليلة بطريقتي
وإزاي الشعر هيبقى شعر
من غير ما أقولك يا حبيتي.



بتلخبطي كل الموازين

بتلخبطي كل الموازين
لو شوفتك صُدفَة
في أي مكان
بتلخبطي كل الترتيب
من غير أي استئذان
وكأنك لسة ومازلتِ
لحد دلوقتي حبييتي
وبعدنا ومبعدناش لسة
ومفيش في القلب إلا أنتِ
وكأنك الشيء الناقص
فيّ ومش عايز يكمل
كأنك آخر أمنيّة
ولسة مش عايزة تحصل
كأنك شيكولاتة بدمنها

وأنا شخص مريض بالسُّكر
وأنا دايماً الحاجة الممنوعة
أكثر حاجة فيها بفكر
كأنك لعبة حريف فيها
بس من سوء حظي بخسر
وألعب ثاني وأول مـ أكسب
يطلع دايماً الناتج إكول
كأنك حاجة بستناها
وسرقني الوقت ومجتش
وشربت ييجي مية قهوة
وسجاير مع إني مبدخنش
كأنك شمس مطلعتش
وأنا ميت بعدك مـ البرد
واتجمد قلبي ومحبش
غيرك واتحوّل تلج
بتلخبطي كل الموازين

ولو شوفتك بيتغير حالي
بتصحي في حاجات ماتت
وتموتي شيء تاني
يا حبيبي لحد إمبارح
وحبيبي لحد الآن
أنا عايش من غيرك لكن
قلبي بجد زعلان.



بطل تعشق

بطل تعشق..

حاجات مش دايمة

وحاجات مش لايقة عليك

ما هي لو كل الحاجات بتدوم

كانت دامت أساسًا ليك

ده قانون اللعبة

وكان لازم..

تتساب وتسيب

مفيش حاجة بتدوم يعني

ولازم تخلص بفراق

مش لازم تتعلق بجنون

ولا لازم تعشق بغباء

كلنا حيينا ودُّبنا

واتسبنا وسبنا وعاشين
ده الغدر ده طبع أساسي
وموجود في جميع البني آدمين
مفيش حاجة بتدوم لآخرها
ولا وعد وقصة بتكمل
والكل بيان على أصله
مهما عينك بتشوفه أجمل
يا بني العشاق خلصوا في دُنيتنا
ونسبتهم صفر ف المية
كل العشاق دول فالصو
وبيحاولوا يقلدوا ناس تانية
حب الحُب التقليدي
الحب اللي ميوجعش قلوب
مش لازم تدمن الحاجة
دى اللعبة غالب مغلوب

مش لازم تكسب على طول
خلي روحك رياضية
وإيه يعني أما تخسر حاجة
مش نهاية العالم هيَّ
مـ أنت ياما فارقت ناس
وطلعت في النهاية كسبان
واللعة دي أصولها
كما تدين تدان
مفيش حاجة بتفضل على حالها
والإنسان أصلاً بحالات
وما بين الحُب والكُره
مجرد وقت ولحظات
اتوقع الحاجة قبل ما تحصل
واوعى تتعلق بـ الي يسبب
الي يفارقك فارقه يا عمي

واوعى تبين ضعفك عيب

دي نصايح واحد مجروح

ولف الدنيا شمال ويمين

وزي ما بنجرح ناس

لازم نبقى مجروحين.



القلب قداهك بيسلم

هو أنتِ فيكِ إيه بياخدني
وبيخليني معاكي أكمل
ممكن عشان مليانة طيبة
ممكن عشان قلبك حنين
فيكِ إيه غير ضحككتك
وكسوفك وجمال عنيك
إيه الي بيخليني أعشقتك
وبيخليني أهتم بيكِ
فيكِ إيه زيادة يعني
بيخليني أحبك بجنون
وكأنك مصدر للسعادة
أو حاجة بتنسي الهموم
فيكِ إيه تاني قوليلي
غير إنك شبه الملائكة

وإنك أجمل بنت أشوفها
وكل حاجة عليها لايقة
فيك إيه زيادة حبة
غير إنك سُكر زيادة
وكانك مخلوقة بدقة
والتأمل في جمالك عبادة
فيك إيه زيادة تاني
ما أنتِ عادية زي البنات
نفس كلامهم وضحكتهم
حتى سُكاتك نفس السُكات
فيك إيه زيادة عنهم
مطمئن قلبي ومش مخوفه
إيه اللي فيك يـ حبيتي
قلبي حبه وبيعشقه
وإشمعنى حبيتك أنتِ
وأنتِ اللي دخلتي قلبي

ده أنا مُمكن أنسى كل حاجة
ويفضل سارح فيكِ عقلي
إشمعنى أنتِ الي قلبي شافك
من قبل مـ العين تشوف
وبقيتي تيجي على بالي دايمًا
وبتسيني أي خوف
إشمعنى أنتِ إحساسك وصلني
برغم إنك عني بعيد
ولحظة غيابك عندي بتفرق
ولحظة وجودك بكون سعيد
وليه معاكي دايمًا مركز
وبتبقي معايا ومش معايا
وبرغم إنك يادوب خيال
عاش معاكي أجمل حكاية
وبشرب معاكي تملي قهوة
وتزعلي أصالحك بـ وردة

وحبة تبقي معايا حنونة
وحبة عنادية ومعاندة
إشمعني أنتِ الي منك بقرب
وأشوفك أبدأ في التطفُّل
ولو ضحكتي القلب يضحك
ولو زعلتي الكون يزعل
يـ أجمل واحدة في الكون ده كله
وبتبان عادية ولا تبين
وكان عندك الجاذبية زائدة
والقلب قدامك بيسلِّم.



راحة نفسية

حُبك راحة نفسية
حُضنك إحساس بالأمان
عنيكي موجة من الحنين
وقلبك شط من الحنان
وجودك إحساس بالسعادة
يشبه عندي الأوكسجين
جمالك أصلاً مش طبيعي
ومتصدقوش أي عين
بحسك ساعات كتير عليّ
ودايماً بحمد ربنا
إنك من بين كل الخلق
اختارني تكوني معايا أنا
واختارني واحد عادي جداً
وبسيط حتى في بساطة

بس قادر يعمل المُستحيل
طول ما أنت موجودة جنبه
واحد مش مثالي يعني
وما حلتوش غير حبة كلام
بيوصف بيهم جمال عنيكي
اللي بتصبره على الأيام
واحد مُستعد يعمل..
عشانك الصَّعب والممكن
عشان تحسي بالسعادة
وتشوفيه في عنيكي أجمل
وتحسي إنك اختارتي صح
وإنه حُسن الاختيار
وإنك مش ندمانة فعلاً
وإنه كان أحسن قرار
وإنه مش عادي خالص
وإنه في حياتك شيء مُهم

كأنه ابنك الوحيد
وأنت بالنسب له أم
حُبك راحة نفسية
لدرجة كبيرة ملهاش وصف
لو نسبة زعلي مية درجة
بشوفك بتوصل صفر
حُبك ده شيء خيالي
إزاي وصلت بسهولة لقلبك
وإزاي قدرت تشوفني عنيكي
دي حاجة صعب إنها تتصدق
حُبك ده شيء بيسعدني
وبيقدر ينسيني الزعل
هأعمل عشانك أي حاجة
من الصعب إنها تتعمل
هقولك بحبك كل ثانية
مع إنها كلمة عادية

ومش لايقة خالص عليكى
وإزاي كلمة تتقال لحد
وأقولها يـ حببتي ليكي
وهقولك كلام رومانسي
وهكتب فيكي حتى شعر
وهوصف عيونك الحلوة
وعليها كام خُصلة من الشعر
وإزاي حنونة وإزاي ملاك
وإزاي أنتِ صافية وطيبة
وإزاي ضحكك كمان تجنن
وحلوة لدرجة مش ممكنة
ومش هقولك وحشتيني
بس هحضنك أول ما أشوفك
ومش هعاتبك عَ الغياب
منا أصلاً عارف ظروفاك
وهجيلك مليون هدية

مهـما كانت ظروفـي وحـالتي
ومُش عـايز منـك هـدايا
ده أنتِ أعلـى هـدية عنـدي
وهـحضنـك كل يوم
أول مـ عـنيـكي تـفتـح
وهـبوسـك علـى خـدك
وعـليـكي يـ حـلوة أصـبح
صباح الخـير عـليـكي لـو حـدك
صباحـك سُكر يـ سُكرتي
يـ حـاجة بشـوفـها بـفرح
وبـبساطـة بـيـطمـن قـلبي
صباحـك فل يـا سـت الكل
يـا حـاجة بـوجـودـها بـرتـاح
ولـو في حـاجة أحـلى مـن الفـل
هـتـبقـى لـيـكي يـ حـلوة صـباح
هـحسـسـك بـالسـعـادة

بطريقتي المختلفة
مش هفارقك لآخر نفس
ومفیش يوم هتكوني خايفة
ومش هعمل حاجات تضايقك
وبسببها عنيكى تزعل
أنتِ لو عايزة نجمة
قوليلي بس..
وأنا ليها هوصل
لو عايزة حنة من السما
أو عايزة سمكة من المحيط
كل المستحيل ممكن عشان
قلبك بس يكون سعيد.



هبتكبريش

كل ما تكبري بتحلوي
وبتصغري مبتكبريش
ملا محك تشبه لطفلة
وجمال عنيكي ميتحكيش
كل مـ تكبري أحبك أكثر
ويزيد حبي ليك مش سنك
وتحلوي في عيني بزيادة
ومشوفش أجمل منك
كل مـ تكبري بتنوري
ومبتبنش عليك السنين
تشبهي حبيتي لأي بنت
لسة يادوب في العشرين
جمالك أصلاً مختلف
يشبه رسمة لفنان

كل مـ الأيام تعدي عليها
قيمتها واختلافها بيان
وتبقى أحلى..
وتتحول لتُحفة
وحاجة نادرة الوجود
أنتِ اليّ زيك مكانه متحف
مش مكانه وسط البيوت
مبتكبريش مهما يحصل
وكل يوم بتبقي أحسن
زي القمر اليّ مهما شوفته
وأشوفه تاني ويبقى أجمل
كل حاجة فيك ثابتة
والجمال عندك بيدوم
ده أنتِ أحلى من القمر
والشمس وكل النجوم
مبتكبريش وكأنك..

مبيعديش عليكي الزمان
والخوف ييهرب بـ ابتسامتك
وبيتحوّل الكون أمان
وعنيكي برغم كل البُكى
لسة محافظة على جمالها
ومفیش زعل ولا دموع
ولا حاجة قدرت تكسرّها
حلوة جدّا ومبتكبريش
وزيك في الوجود مفیش
يـ أحلى واحدة شافتها عيني
وبيزيد نورها ميينطفیش
يا أحلى واحدة ملامحها تضحك
والبُكى عليكي مش بيليق
وكأن ابتسامتك دي عادة عندك
أو بالنسبالك أقرب صديق
مبتكبريش ولا هتكبري

وهتفضلي حلوة في عيوني
بحبك فوق مـ تتصوري
يا أجمل لحظات جنوني
يا حلوة في كل الأوقات
ومبيغير كيش الزمان
وكل مـ السنين تعدي
بتحلوي وبتزيدي جمال.



قلب الوردة

قلبك يشبه قلب الوردة
وعيونك تشبه بستان
والضحكة منك بتفرح
أي بني آدم زعلان..
زي الطفلة ويمكن أحن
وأرق من كل الأطفال
ضحكتك بتصالح العالم
وبتحول الحزن هزار
دخلتي حياتي فاحلوت
برغم كل شيء فيها
وبعد مـ كل الحاجات ماتت
لاقيتك فجأة بتحيتها
لاقيتك دُنيا بتشبهني
وأنا بشبها بالمللي

وكأنك آخر حلم باقي
وآخر شيء فاضلي
فشفقتك حياة مُريحة
بعد تعب السنين
وكأن وجودك في حياتي
كان يادوب تكفير..
عن الناس الى دخلوا حياتي
وخرجوا وسابوا جرح كبير
وتركوا ضلوعي جواها
وجع وحنين..
كأنني حديد مايلينش
مش زي باقي البني آدمين
فكنتي الراحة للقلب
في وقت كنت محتاجك
يـ دُنيا حابب إني أعيشها
وأَتوه فيها في توهانك

أنا حبيبتك بدون داعي
وشوفت فيك حاجات تتحب
وشوفتك عن طريق العين
وكم ان عن طريق القلب
أنا محتاج لركن جديد
أداوي فيه أوجاعي
وميزيدهاش..
وقلب يصون وميسبش
وحاجة عشانها الحياة
تتحب وتتعاش
فشايفك بيت
وحلم جديد
كأني بأدي فرض الصوم
وشوفتك عيد.



لازم من جهالك يسمي

شعرك من جماله يجنن
وكل خُصلة فيه حكاية
حقك يـ حلوة تقفي كثير
وتشوفي نفسك في المراية
وتشوفي لونك المُفضل
وفي أي لون بتبقي أجمل
ومن غرورك تبوسي نفسك
وأنت ماشية في النهاية
وتتقلي على أي حد
وفي دلحك تتماذي
وأي حاجة هتعملها
من جهالك هتبقى عادي
شعرك يجنن يـ حبيتي
وحلو بطريقة مُدهشة

حلو في أي تسريحة
وحلو وأنت منعكشة
وبتبقى حلوة لما بيطير
وينزل على عنيك يضايقك
صحيح بتبقي متعصبة
بس أجمل واحدة قلبي شايفك
بتبقي حلوة في أي لوك
وأحلى من كل البنات
شعرك يجنن وهو أسود
وحلو في البلو بلاك
شعرك بيليق في أي لون
وحلو حتى وهو بني
ده اللي يشوفك في أي وقت
لازم من جمالك يسمي.



آخر شيء فاضلي

أنتِ آخر شيء فاضلي
ومبقاش فاضلي غيرك حد
سببت ناس وناس سابتني
وفي النهاية لاقيتك أنتِ
أغلى عندي وأهم حد
أنتِ آخر شيء فاضلي
من الحاجات الي خسرتها
أنتِ الي بتقوي قلبي
وأكثر حاجة بحبها
وأنتِ الي فيك كل الصفات
الي قلبي حبها
وفيكي حاجة حلوة جدًا
احترت ياما في وصفها
أنتِ آخر شيء فاضلي

أَنْتِ شَمْسِي وَأَنْتِ ضَلِّي
أَنْتِ رُوحٌ فِيَّ سَكَنْتِ
وَصَعْبٌ تَخْرُجُ تَانِي مَنِي
أَنْتِ آخِرُ حِلْمٍ بَاقِي
وَأَخِرُ ضَحْكَةٍ بِالنِّسْبَةِ لِيَّ
وَأَنْتِ النُّورُ الْوَحِيدُ
الِي لِسَةٍ بِتَشْوِفِهِ عَنِيَا
أَنْتِ آخِرُ سَاعَةٍ وَجَعُ
وَأَخِرُ سَاعَةٍ فَرَفْشَةٍ
وَأَنْتِ الْيَاسْمِينُ الْبَرْتِيلِي
كُلُّ حَاجَةٍ مَنَعَكِشَةٍ
وَأَخِرُ سَاعَاتِ الْفَرَحِ
وَأَخِرُ سَاعَاتِ الْحَدَادِ
وَفِي حَيَاتِي أَنْتِ الْأَمَانُ
وَأَنْتِ كُلُّ الْإِنْفِلَاتِ
وَأَنْتِ الْأَمَلُ وَالطَّرِيقُ

وَأَنْتِ آخِرَ حِلْمٍ فَاضِلٍ
وَأَنْتِ الشَّيْءَ الِى عِشَانِهِ
قَلْبِي بِتَحَوُّلِ مُنَاضِلٍ
أَنْتِ آخِرَ أَمْنِيَةٍ
وَأَخِرَ زَعَلٍ وَاكْتِتَابٍ
وَالشَّيْءَ الِى لَمَّا بِيغِيبِ
الْكُلَّ بَعْدَهُ بِبُصْبَحِ غِيَابٍ
وَأَنْتِ آخِرَ فُرْصَةٍ لَيًّا
وَالْقَلْبَ عَلَيَّ إِيدِيكَ تَابٍ
وَأَنْتِ الشَّيْءَ الِى عِشَانِهِ
مَازَلْتُ بِهَذَا الثَّبَاتِ.



اتعودت

اتعودت إني أبقى سخيـف

اتعودت إني أبقى مُـل

اتعودت بسببـك أنتِ

إني أضايـق لما تغـيبي

وأرجع أبقى زي الفـل

اتعودت حبيـتي عشانـك

أتحول لميـة شخـصية

اتعودت إني أبقى الكـل

اتعودت أبقى شخـصين

شخص بيحب..

وشخص العكـس

شخص مثالي جدّا

وشخص بيعشق نفسه وبس

اتعودت إني أكون زيـك

وأعرف أزعل وأفرح امتى
وأبقى كمان زيك بحالات
تجمع بين الحنية والقسوة
اتعوّدت إني أتحوّل
وإني أتلون وإني أتجمل
وإني أضحك قدام الناس
وقلبي بينزف وبيتألم
وأبقى معاكي الشخص الطيب
والشخص الي كله عيوب
وتبقي أكبر ذنب في حياتي
وأبقى منه مش عارف أتوب
اتعوّدت إني أحبك
واتعوّدت على الحرمان
وإنك تبقي ليّ الفرحة
وإنك توجعي قلبي كمان
اتعوّدت إني أبقى مُهم

وأبقى ملىش أي أهمية
وحبة أشوفك مليانة قسوة
وحبة تبقي مصدر حنية
اتعوّدت على تغيرك
وإنك تبقي بمليون حالة
وإن عنيكى تبقى سبب وجعي
وإن أوجاعي فيها تتدارى
اتعوّدت إني أبقى حنون
وساعات مجنون
وساعات عصبي
وساعات هادي
واتعوّدت إني أفضل أحبك
حُب يكون فوق العادي
لكن متعودتش أفارقك
وبحبك أنا دائماً راضي.



خطين متوازيين

كُنَّا واحد..

بس الكون ماكنش حابب

إني أنا وهيّ نكمل

اتحملنا الصعب والممكن

ولسة قلوبنا بتتحمل

كل شيء كان معاند

وكأن الحياة رافضة

إني أشوفها عيونها بتضحك

من تاني بعد النهاردة

كانت بتقدر قدام عيوني

تبقي أحلى وتبقي أجمل

كانت بتخطف مني ضحكة

وبتخليني عَ الصعب أقدر

كنت حابب وجودها جدّا

وبالنسبالي كل شيء
كانت الوجع والدوا
وفي نفس الوقت الطيب
كانت بتحب وجودي
وبتضحك من غير أسباب
وبنسهر مع بعد ليلاقي
وتنسيني الاكتاب
كانت عيونها دايمًا بتضحك
وفيها لمعة مقدرش أوصفها
كنت أعمل إني ثقيل، وأميل
وإن غابت أبدا أكلمها
كُنت أهتم بالتفاصيل
ونتكلم مع بعض كثير
وأكتب شعر يوماتي عشان
تشوفه تفرح..
وم الفرحة تطير

كنت أتلحك عشان نتقابل
وأعمل إني شوفتها صُدفه
وأنا حافظ جدول مواعيدها
وإن غابت ثانية بحسبها
كنت أضحك وأنسى التكشيرة
طول منا واقف قدام منها
وإن بعدت عني ليلة واحدة
أزعل مـ الدنيا بـ أكملها
كانت بتخاف جدًا عليّ
كانت بتسأل وبتتهم
وكأنها حد من أهلي
ويمكن كمان كانت أحن
كانت بتغير جدًا عليّ
حتى من أعز أصحابها
كانت بتتهم بلبسي
أكثر مـ بتتهم بفساتينها

كانت دائماً ليَّ سند
كانت بيت ومطرح
كنت بحب وجودي معاها
وأبقى مش عايز أروح
كُنَّا أنا وهيَّ واحد
وحاجة أصلاً مبتختلفش
وأدينا أهو اختلفنا
ورجعنا تاني نبداً مـ الصفر
كُنَّا بنخاف من الفراق
وأدينا خلاص افترقنا
ومفيش حاجة أصلاً بتدوم
ولا حاجة بتفضل على حالها
كُنَّا بنخاف نصحك كثير
لقلوبنا بعدين تتوجع
وعلى قد مـ ضحكنا زمان
دلوقتي حاسين بالوجع

كان بينّا ذكريات كثير
كُنّا في يوم أقرب قلّين
دلوقتي بنختار البُعد
وبنتوجع في لحظات الحنين
كانت علاقتنا بتشبه دايرة
وبتجمعنا إحنا الاتنين
دلوقتي خلاص افترقنا
وبقينا خطين متوازيين.



أحلى من أغاني فيروز

شايفك غير كل البشر
حاسك غير البني آدمين
حلوة جدًا وبزيادة
وجمالك يخطف أي عين
شايفك مُختلفة دايمًا
وحلوة زي البسكوطة
اللي كانت حلوة..
واحلوت أكثر..
بعد ما دابت في الشيكولاتة
شايفك حلوة في عيوني
وأجمل بنت أنا شوفتها
أكثر واحدة مثالية
وبنت مشوفتش زيتها

شايفك حاجة ملهاش مُسمى
في حياتي ولا ليها وصف
في غيابك كل شيء بيغيب
وحياتي بتبقى فيها نقص
شايف عنيني حلوة بجنون
ووجودك بيحلي وقتي
غيابك بجد بيتقى صعب
وأكثر حاجة بتضايقني
ومعرفش ليه حابب وجودك
معرفش ليه جنبك لاقيت
سعادة لأول مرة أعيشها
وكأنك عملتي لحياتي إديت
وبقيتي بتحلي يومي
وأشوفك أنسى مية وجع
يا أجمل بنت وقت الجد

وأجمل بنت وقت الدلع
وجودك في حياتي حياة
عشان فعلاً أنا محظوظ
يا أجمل بنت في هدوئها
يا أحلى من أغاني فيروز.



قلبي عليكى بيتحسر

بحبك لسة لحد الوقت
برغم البُعد والمسافات
وهفضل أحبك لأبعد حد
ولو حتى ما بينا بلاد
وبشوفك حلوة باستمرار
برغم مرور السنين
ولسة بحبك زي زمان
ويمكن أكثر حبتين
ولسة برضه بشتاق وأحن
ولسة زي عادتي حلو
ولسة شايفك أحلى واحدة
يا حبيبتى من بين الكل
ولسة حلوة في عيوني جدًّا
وأحلى كمان من الأول

معقول تكوني نستيني
وفجأة الحُب يتحوّل
معقول أنا وأنتِ نجرح بعض
ونتعامل بمنتهى القسوة
وأشوفك حاجة بتوجعني
بعد مـ كنت بشوفك حلوة
وبسببك بحس بسعادة
والأقي الدنيا بقت جنة
معاكي أنتِ بجدل لاقيت
أكثر مـ كنت بتمنى
بحبك لسة مش عارف ليه
جاوبي أنتِ على سؤال
لو عارفة بجدل قوليلي
ما أنتِ عرفاني أكثر من حالي
مش اتفقنا يومها نبعد
وكل واحد يروح في وادي

وأبطل أحبك وتحبيني
ونتعامل مع بعض عادي
ويومها كان كبريائنا زايد
وكل واحد كان عنيد
وقدرنا نكتب النهاية
وكل واحد راح بعيد
وقدرنا نقسى
وبسهولة ننسى
كل اللي بينا والذكريات
وعشان منخسرش كبريائنا
اختارنا أنا وأنتِ الفراق
وبرغم حُبي ده كله ليك
كنت عَ الفراق مصمم
وأول ما شوفت
في عنيكِ قسوة
مقدرتش أقول إني هكمل

ومكنتش أعرف
إن حُبك مرض
وإنه داء ملوش علاج
وإنك حاجة مابتتنسش
مهما عدى الوقت وفات
وإني مكنتش لازم أبعد
مهما يحصل بينا يومها
وإنك حاجة نادر جداً
ومش بالساهل تاني أطولها
وإن عنيكي هيّ الدليل
وإن قلبك هو الأمان
وإنك أجهل حاجة حصلت
ومن يوم فراقنا وأنا ندمان
وإنك أجهل حاجة في الكون
وأحلى حاجة أنا شوقتها
وإنك أجهل فرصة في حياتي

وأنا من غبائي ضيعتها
وخسرتك مع إني
كان لازم مخسر كيش
وإزاي برغم حُبي ليكي
أقول إني محبتكيش
إزاي يومها قدرت أقسى
على أكثر واحدة بعشقها
إزاي بسهولة أخسر حاجة
مكنش لازم أخسرها
فأنا آسف لو بعثك
زي ما أنت بتقولي
آسف إني محفظتش
عليكي وشيلتك في عيوني
متزعلش مني في يوم
وافتكريلي حاجة حلوة
يا أجمل بنت من جوّه

وبتعرّف تقسى من بره
أنا آسف على وجعك
أنا آسف على تعبك
افتكرت إنك هتدومي
من ثقتي الزائدة في حُبك
وأنا مش جاي تاني أعاتبك
وأصالحك أو تصالحيني
أنا جاي أداوي جرحك
وأقولك بس سامحيني
وإن كنت كسرتك زمان
فأنا دلوقتي الي متكسر
كفاية عليّ أشوفك صُدفة
وقلبي عليكِ يتحسر .



بتقف الأرض عن الدوران

بقيت بعدك أحس بوحدة
وأعد نجومى وأنا سهران
وأضحك طول الوقت عادي
وأنا من جوايا زعلان
بقيت أخاف من الناس
بقيت أهرب من اللمة
وبشوف الكل كداب
حتى لو حلو في المعاملة
بقيت مش حاسس بـ أي حاجة
ووصلت لحالة مـ اللامبالاة
ومش حاسس بوجود حد
ولا فارق معايا حياة
بقيت واحد ضعيف جدًا
وأضعف من أضعف مخلوق

بقيت بعدك عايش لكن
بإحساس واحد بيموت
بقيت بعدك واحد تاني
طيب لكن مليون قسوة
وساعات أشوفك أسوء حاجة
وكتير جدًا أشوفك حلوة
بقيت متلخبط في مشاعري
وإحساسي غريب مش مفهوم
أكرهك في بداية يومي
وأرجع أحبك آخر اليوم
وتجيب الذكريات وتودي
وتيجي على بالي
وقت النسيان
وأضحك وأحاول أبان عادي
إن سألني عنك فلان
وأقول سبتك وإنك مُملة

وإني بفكر في واحدة ثانية
وأعمل إني مش مُهتَم
وأنتِ بالنسبالي حياة كاملة
بقيت في البُعد أحبك أكثر
وتيجي على بالي وأسرح وأفكر
وأشتاقلك كل مـ يعدي الوقت
و كل مـ المدة تطوّل
بقيت أحتاجلك وبشدة
وكأن وجودك كان إدمان
ومن غيرك حياقي مـبتمشيش
وبتقف الأرض عن الدوران.



معاكي

معاكي بسرح وبتوه
وبحس إني في متاهة
يا أكثر ضحكة في الكون
بتفرّح قلبي معاها
معاكي بحس بسعادة
وبتمنى الوقت يطوّل
وأول مـ تغيبني عني أزعل
وتوحشيني أكثر مـ الأول
معاكي قلبي بيطمّن
وفجأة الحُزن بيتحوّل
معاكي يبقى غريب جدّا
فوق مما أتصوّر
معاكي بتوه في توهاني
وبحس إني واحد تاني

يا أجمل واحدة
ومن غيرك..
بحس إني وحداني
معاكي أنا ببقى متلخبط
من كُتر منا عليكي ملهوف
وبقدر أقول الكلام كله
مع إني أساسًا وش كسوف
معاكي ببقى واحد غيري
فيه كل الطيبة بتتجمع
وبيتحول لطفل في ثانية
وبيضحك بسهولة ويدمع
معاكي أنا ببقى في الجنة
وناقص بس إني أموت
يا أجمل بنت في العالم
وأكثر واحدة أشوفها كيوت
معاكي بنسى كل الحاجات

وبسرح في ابتسامتك وأحس
إنك حاجة ساكنة فيَّ
مش مجرد حبيرة وبس
معاكي بتحوّل لطفل
محتاج لجرعة حنان
ونظرة مليانة طيبة
ومحتاج يحس بالأمان
معاكي بلقى كل حاجة
قلبي كان عليها بيدور
ده أنتِ جمالِك مُستفز
وحلوة فوق مـ كنت أتصور
معاكي بحس بكل حاجة
كانت في حياتي ناقصة
وكأني كنت حابب أعيش
بس مستني أي فرصة
معاكي بتحوّل لشخص

مثالي جدًا في كل حاجة
غير الشخص الأولاني
اللي عاش حياته بسذاجة
معاكي بحسب الأمان
وكل حاجة بتبقى أجمل
معاكي أنت بكل سهولة
الصعب جدًا بيبقى ممكن.



مدومتيش ليه

مدومتيش ليه؟!
مش اتفقنا إنك هتفضل
واتعاهدنا نكون سوا
وليه بقيتي مصدر وجع
بعد ما كنتي عندي الدّوا
مكتتيش ليه مثالية
لآخر وقت زي عادتك
ما أنت مش محتاجة دليل
وعارفة أنا قد إيه بحبك
مدومتيش ليه في حياتي
يا اللي كنت عندي حياة
يا شيء بيغيب ويفضل
قلبي لسة عايش معاه
مدومتيش ليه يا روح قلبي

يـ حاجة بترُد فيَّ الروح
ده في بُعدك الوحِدة بمية وحِدة
وبحس بوجع من غير جروح
مدومتيش ليه يا حُب العمر
يا أجمل وأحلى شيء بيُمر
وبيعدي على قلبي
وبرغم وجعي بشوفه حلو
وأجل شيء بيحصلي
مدومتيش ليه واختارتي
تغيبي وتوجعي قلبي
مكنتيش ليه مصدر قوة
بدل ما تبقي في يوم ضعفي
مدومتيش ليه كمان ساعة
وقضيتها في أحضاني
في حضنك ببقى مطمّن
ومن غيرك وحداني

مدومتيش ليه يـ حاجة دامت
في خيالي ومادامتش في الواقع
يا أحلى حاجة شافتها عيني
وعشان أنساها مش نافع
مدومتيش ليه واختارقي
تاخدي روحي وتفارقي
وتسيبي ذكريات توجع
ساكنة في قلبي وف عقلي
مدومتيش ليه كمان حبة
واختارقي إنك تفارقيني
صحيح أنا رضيت أفارقك
لكن فراقك على عيني.



حب يكفيني

بحبك حُب يكفيني
ويغنيني عن العالم
بحبك حُب يقويني
ويخليني شخص مُتكامل
بحبك قد حُبك لنفسك
ويمكن كمان بحبك أكثر
بحبك فوق الحُب نفسه
وأكثر مما عقلك يتصور
بحبك حُب ينسيني
إحساسي الدائم بالوحدة
وبيخليني مشوفش غيرك
في الدنيا ولا واحدة
بحب حُب لو أوصف هولك
كل الحروف متكفينش

ببقى معاكي ومن غيرك
طعم السكر مبيحليش
بحبك حُب بيغيرني
من شخص كئيب لـ سعيد
يـ أجمل وأحلى مـ في العُمر
وفي حياتي أول الترتيب
يـ حاجة في وجودها بطمّن
ومبخفش من بكرة
معاكي أنتِ نسيت نفسي
ونسيت أشياء لا تُنسى
بحبك حُب فوق المُمكن
وفوق العادي والمعقول
وأكثر حاجة بعشقها
في الدنيا عيونك دول
دي فيها الوصف بيطُول
ويتكتب عنه حكايات

بحبك حُب غريب حبة
يشبه الحُب الروايات
ومعاكي بحس بحاجات
محستهاش طول العمر
يا أجمل حاجة بتتشاف
وعلى قلبي بتثمر
بحبك جدًّا وشايفك أجمل
من العالم وكل الخلق
وحلوة في عيني باستمرار
ومهما يعدي عليَّ الوقت
بحبك حُب مش طيعي
ومن الصعب إنه يتصدق
يا أجمل حلم أنا حلمته
وفجأة لاقيته بيتحقق
بحبك حُب مفيهوش أعذار
ومعاكي هكمل المشوار

لا هز هق في يوم ولا هبعء
يـ أجمل وأحلى قرار
بحبك حُب مينفعش
إنه ينتهي بفراق
علاقتنا أصلاً متسمحش
غير إننا نبقى عشاق
وأدوب فيك وتدوبي
فيّ وكأنك سُكر
فتحلي كل الحاجات فيّ
وأبقى في عنيك أجمل.



طبعك غريب

طبعك غريب
لكني عاشقك
يا أجمل بنت مُملة
بحب لخبطتك وتوهانك
وكأنك عاملة مية عاملة
طبعك غريب..
لكني منك مبملش
ودايماً معايا في توهاني
وبيزيد حُبي ليك مبيققلش
طبعك غريب في كل حاجة
حتى طبيبتك والسذاجة
وكل حاجة بشوفها فيك
بلاقيها حلوة وبزيادة

طبعك غريب حتى في خوفك
وفي حيرتك وفكسوفك
ولخبطك في الكلام
أول مـنتقابل وأشوفك
طبعك غريب لكن بحبه
ويحب كل أفعالك
ولما تغيبني عن عيني
مفيش واحدة بتملئ مكانك
ومين غيرك هيبعدني
عن الواقع ويديني قوة
مفيش وحدة غيرك أصلاً
عيموني بتشوفها حلوة
طبعك غريب لكن قلبك
مشوفتش أجمل منه وأحن
ومختلفة في عيني جداً

بطريقة ملهاش حل
طبعك غريب في غيرتك
وف طريقة اشتياقك
بحس إني مُهم عندك
كأني واحد من ولادك
طبعك غريب في كل كلمة
وفي كل نظرة من عنيك
بقيت بحبك بشكل غريب
وبقيتي مصدر اشتياقي
طبعك غريب في انبساطك
وفي كل ضحكة بتضحكيها
يـ أجمل واحدة في الكون بتضحك
وأحلى واحدة تضحك عندها
طبعك غريب برضه في زعلك
وأما بتحاولي تقسي

بعشق برودك وكبريائك
يـ حاجة بشوفها بنسى نفسي
غريبة في كل أطباعك
لكن لو بعدت عنك أموت
بعشق كل تصرفاتك
وبعشق فيكي حتى العيوب.



مفیش حاجة

مفیش حاجة عليكي تكثر
ده أنتِ الي كثير عليَّ
يا أحلى مـ السكر
في وصفك
وأطعم مـ الكريز شوية
مفیش حاجة كثير عليكي
كفاية إني أشوف فـ عنيكي
ضحكة بتحلي الحياة
وأشوف فيها نظرة حنين
يقفلها العالم انتباه
وأشوفك وردة بتفتح
يشوفها القلب يرتاح
وأحس براحة محستهاش
مع إني كُلِّي جراح

مفيش حاجة عليكي تكثر
ده أنتِ اللي كتير بجد
ولازم أخاف..
عليكي من الخوف
وأحميكي من أي حد
وأغرقك في الحنان
وأشيلك جوه عيوني
وأحبك تحت أي ظرف
وأدعي ربنا إنك تدومي
وأعمل عشانك الممكن
والمستحيل وأي صعب
وأضحك في وشك كل يوم
يه ضحكة بتمحي كل ذنب
يه حلوة جدًا في وصفك
وعيونك أجمل عيون
بنظرة منهم بنسى نفسي

وبضحكة كل شيء يهون
ده أنتِ الي كتير أوي
ووجودك معايا يشبه خيال
معقول القمر ينزل عَ الأرض
أو يطلع عادي بالنهار
أنتِ الي مش مُمكنة
ووجودك ملوش تفسير
هو فيه ملاك أصلاً؟!
يعشق واحد مـ البني آدمين؟!



يكفيني

يكفيني نظرة من عيني
يكفيني ضحكة من شفايفك
يكفيني بس أكون معاك
وأبقى طول الوقت شايفك
وإنك تبقي تملي جنبني
تسمعي نبض قلبي
ونص تاني في الدنيا ليّ
بـ اختصار تبقي سندي
يكفيني إنك تبقي واحدة
بتغير في كل شيء
ومبشوفش فيها أي غلطة
ومبشوفش فيها أي عيب
مبشوفش غير إنها حلوة
وإنها زي الملايكة

بتضحك الدنيا لضحكها
وبتزعج بس لو مضايقة
يكفيني إني أشوف عنيني
وإن قلبك يبقى بيتي
وإن كل لحظة أعيشها
في الحياة تبقى ليكي
وإني أبقي سبب ساعاتك
وأبقى كمان سبب الزعل
وإن غيرتك تبقى عليّ
وحُبك يديني الأمل
يكفيني كل حاجة منك
يا أجمل بنت في الوجود
ده كل نظرة من عنيني
حلوة بشكل ملهوش حدود
كل حاجة تكفيني أصلاً
طول ما أنتِ قدام عنيا

دي الحياة معاكي حاجة
ومن غيرك حاجة تانية
يكفيني كل شيء
طول ما أنت حبيبتى
ومفيش واحدة هـ أعشقها
ولا هتكفيني إلا أنت.



ارتحتلك

ارتحتلك من غير سبب

وابتدى العقل فيكي يسرح

وبقالك مكان في قلبي

وبقالى جوه حُضنك مطرح

وابتديت عليكى أغير

وابتدى القلب يميل

ولما تغيبى توحشيني

وياخذني ليكي الحنين

وابتدى الليل يطوّل

وابتديت معاكى أقول

كلام كثير مقولتهوش

غير قدام أجمل عيون

وابتديت أسهر كثير

وأتعب من كتر التفكير

وأضحك لما تيجي سيرتك
وأزعل من غير تفسير
وابتديت ألاقكي فيَّ
وأشوف نفسي فيكي
وأسرح في تفاصيلك
بالساعات..

وأهتم بنظرات عينكي
وأتوه معاكي في دُنياك
وفي خريطة ضحكك
وكأني اتخلقت من جديد
أو مُت ودخلت جنتك
وابتدت عينكي تسأل
أسئلتها الفضولية
وابتديت أخاف أجاب
تقولي إني ببالغ شوية
شوفتك حلوة قبل ما أشوفك

وعرفتكَ، مع إني معرفكيش
ووصلتي لقلبي بكل سهولة
وإزاي أنتِ متحببش
ارتحتلك ودي حاجة نادرة
ومن الصعب بسهولة تحصل
إني أقدر أوصل لقلب حد
أو حد بسرعة لقلبي يوصل
وبرغم إني متحبش
ولا عُمرِي في يوم حببت
ولا حكيت لحد سري
جيت عندك أنتِ وحكيت
ارتحتلك أول ما شوفتك
واتلخبطت في الصفات
وبقيت أحكي كتير وأفضفض
ونسيت معاكي معنى السكات
ارتحتلك وده شيء مكش

مترتب ولا من ضمن الحساب
وبقيتي غير الكل عندي
وفتحته لك قلبي زي الكتاب
شوفت فيكي ألف ميزة
ومعاكي أنتِ..
قلبي وصل للسحاب
يـ حاجة حلوة ومن جماها
تستاهل مليون إعجاب.



بطل تقسى

بطل تقسى عليها شوية
دي بتتمنالک الرضى ترضى
وبتشيلک على كفوف الراحة
وبتعاملک أحسن معاملة
بطل تجرحها بغبائك
ده أنت أجمل حاجة
شافتها عيونها
وبتخاف عليك وكأنها أمك
وبتشاقلک لو غبت
دقيقة عنها
بطل تعاملها ببرود
وكانها شيء مش موجود
حبها على قد ما تقدر
ده حبها ليكي ملوش حدود

دي بتحبك على قد عنادك
وعلى قد مُصالحتك مع نفسك
وشيفاك شخص مش عادي
وحافضة طباعك وملاحك
دي بتفهم نظراتك حتى
من قبل مـ تتكلم أو تحكي
ومبتملش منك ولا بتزهق
كل مـ الوقت يعدي
وبتحب حياتها عشانك
وعشانك بتحب الدنيا
وشايفة العالم ده في كافة
وأنت في كافة الثانية
ومسنودة عليك من الأيام
وشيفاك أجمل إنسان
وبتضحك لو سمعت صوتك
وفي حُضنك بتحس بـ أمان

وبسببك بتفرح وبتزعل
بطريقة مش عادية
وبتتغير كل مـ تتغير
حالتك النفسية
بتحس ساعات إنها منك
وإنها مش حد غريب
البنـت لو بتحبك فعلاً
هتكون في حياتها أول ترتيب
فـ اعشقها على قد مـ تقدر
وهاتلها ورد وفرحها
دي البنـت في حياتك نعمة
اوعـي في يوم تخسر ها.



الروتين الحلو

كل وجع الدنيا يهون
بنظرة من عيونك دول
وبضحكة من شفايفك ليّ
بلاقي لأي صعب حلول
أنتِ الروتين الحلو في حياتي
وأنتِ كل لحظة أمان
وعشقي لأنوثتك ده يشبه
يـ حبيتي للإدمان
كل الوجع مني بيروح
بـ ابتسامتك الرقيقة
وفي غيابك الوقت مبيعدش
ومعاكي اليوم بيبقى دقيقة
ده أنتِ الهدوء اللي بحبه

وَأَنْتِ الْبَسَاطَةُ وَالْكِبْرِيَاءُ
وَكُلُّ ضَحْكَةٍ بِتَضَحْكِيهَا
بِيعْشَقِهَا قَلْبِي بِغَبَاءِ
أَنْتِ أَوَّلُ شَيْءٍ أَحْبَبَهُ
وَمَشَوْفَشُ فِيهِ أَيْ عَيْبِ
غَيْرِ إِنَّهُ حَلُوُ بَزِيَادَةِ
وَالْأَوَّلُ فِي التَّرْتِيبِ
أَنْتِ أَوَّلُ حَاجَةٍ أَشَوْفُهَا
وَبِتَخْطُفُ قَلْبِي قَبْلَ الْعَيْنِ
كَأَنَّ جَمَالَكَ عَلَيْهِ إِجْمَاعِ
وَمِیْخْتَلَفْشُ عَلَيْهِ اِتْنِینِ
أَنْتِ الَّتِي بِتَخْطُفِينِي
وَمَعَاكِي بُوَصْلِ سَابِعِ سَمَا
أَنْتِ الْحَاجَاتِ الْمُسْتَحِيلَةِ
وَكُلُّ حَاجَةٍ مُمَكِّنَةٍ

أنتِ الخريفُ المُخيفُ
وأنتِ الربيعُ الجنوني
يـ حلوة بطريقتـه مُتعبة
وأجمل مـ شافت عيوني.



مكانش فيه داعي

مكانش فيه داعي
تيجي للعالم بتاعي
وأنا طول الوقت لو حدي
وعُمرِي مـ كنت اجتماعي
و كنت خلاص..
اتعودت عَ الوحدة
ومكانش فيه ولا واحدة
بتقدر بسهولة تخطفني
مكانش فيه حد بيعرفني
كأني غريب عن العالم
أو شخص مش مفهوم
ده أنا طبعي غريب جدًا
ومفيش حاجة..
في حياقي بتدوم

أنا شخص ميتحبش أصلاً
شخص كئيب وكلي عيوب
مُمل وعنيد لدرجة أوفر
وفي وحدتي دايب دوب
وقلبي مبيسمعش لحد
وبفرح وأزعل
في نفس الوقت
لا بعرف أضحك ولا أهزر
وطول عُمري..
واخد الموضوع جد
مكانش فيه داعي
تيجي أنتِ..
تخطفيني بكل مـ أملك
وأقولك كلمة مقولتهاش
وأعترف إني بحبك
وتوحشينني..

بكل مـ تعني الكلمة
وتبقي في حياتي مُهمة
وأشتقالك وقت الغياب
وكانك ضي..
ومن غيرك حياتي ضلمة
ومعاكي أنتِ أحب رُوحِي
وبسببك أخاف عليها
وأخاف أزعل لتزعلي
وأبقى ضحكة بتضحكيها
مكنش فيه داعي
تيجي تخطفني رُوحِي
وأموت لو غبتي يوم عني
أو أخاف ليوم تروحي
وتبقي اسمي
تبقي نفسي
تبقي حاجة فيّ ساكنة

تبقى كل قصيدة شعر
وكل ماضي وكل ذكرى
وتبقى غنوة
تبقى بلوة
تبقى كل لحظة وجع
وكل لحظة بعيشها حلوة
وتبقى رسمة رسمتها
وليَّ معاها تفاصيل جميلة
وتبقى أول حاجة أشتاقلها
وآخر حاجة في كل ليلة.



أرض مبتطحش ورد

كنتِ حلوة جدًا في وصفك
كنتِ حلوة في كل شيء
كنتِ دايماً أول ما أشوفك
أحس بـ إحساس غريب
كنتِ وردة..

في أرض مبتطحش ورد
كنتِ قمري في ليلة عتمة
كنتِ شمسي في عز البرد
كان جمالك مُختلف

وفوق الطبعي حبتين
نظرة عنيكِ كان فيها قوة
وفيهما براءة وحنين
ضحكتك كانت جميلة
وبتقلق منامي كل ليلة

كنتِ معايا في كل لحظة
وبشوفك في حاجات كتيرة
كنتِ دُنيا تانية خالص
حاجة تشبه الخيال
كان طريقي صعب جدًا
والوصول لقلبك مُحال
كنت أتوه عن كل حاجة
وألأقي في عنيني الدليل
كنتِ دايمًا ساكنة عقلي
وكأني عارفك من سنين
كنتِ حاجة جماها زائد
كنتِ الكذب والحقايق
كنتِ تعبِي المُرِيح
وفيكِ كان قلبي دايب
كنتِ أشوفك كل يوم
أنسى بسببك مية وجع

وكأنك أنتِ السند
والأمان وصاحب جدع
كنتِ أجمل حاجة أشوفها
وكنتِ ساكنة جوه قلبي
ولسة عيني شيفاكى حلوة
ومازلتِ أغلى حاجة عندي.



بطلي تهتمي

بطلي تهتمي وتغيري
مـ خلاص يـ حلوة
اللعبة خلصت
الوقت عدى وأنا نسيته
وبقيت حتى أتلهبط في شكلك
ومتزعليش ده اختيارك
مش هتفيدك كلمة ياريت
قلبي مش لعبة في إيديكي
ووقت مـ تحبي أرجع حبيب
مـ أنا كنت حبيبك زمان
وأنتِ الي قولتي النصيب
دلوقتي راجعة تاني لمكانك
مـ خلاص اتغير الترتيب
والأماكن اتغيرت

وخسرت ناس
وعرفت ناس
وناس عيني
كانت شايفاهم حاجة
وهما حاجة متسواش
جاية دلوقتي تقولي بحبك
حُب إيه بعد السنين
طب لما اتوجعت وأنتِ غايبة
كنتِ ساعتها في حُضن مين
كنتِ عارفة إحساسي إيه
كنتِ حاسه بيَّ ساعتها
وأنتِ عارفة إني محبتش غيرك
وأنتِ أكثر مخلوقة حبيتها
فكرتي أصلاً إزاي هـ أعيش
وأنتِ غايبة عن حياتي
بعد ما كنت بعشق وجودك

ويحب أكون معاكي
راجعة دلوقتي ليه
بتصحي كل الذكريات
أنا الشخص اللي حَبَّك زمان
بس دلوقتي قلبي مات
أنا كنت بحبك في البداية
وبعشقك أنا بعترف
بس أما غبتي بطلت أحبك
وغاب عني حتى الشغف.



زي الهلايكة

هو أنتِ الي زي الملايكة
ولّا هُما حبييتي الي زيك
يد أقرب ليّ من روحي
ومشوفتش أحن من قلبك
يد حاجة بتنسيني الدنيا
ومعاها بحس بالأمان
وبتنسيني مليون وجع
وبتفرحني لسنين قدام
بحس معاكي إني في جنة
ومش عايش أصلاً عَ الأرض
من جمالكَ يد حبييتي الزايد
وحينك الي ملوش حد
يد حلوة في عيني باستمرار
وجمالك كل يوم بيزيد

يـ حاجة مبقدرش أبعد عنها
وبتو حشني أول مـ تغيب
يـ مخلوقة اتخلقت من ورد
ومن نور مش من طين
وبتشبهي للملايكة تمامًا
لكن على هيئة بني آدمين
يـ ملاك على هيئة بشر
أو بشر يشبه لملاك
يـ جنة عـ الأرض بعيشها
وحاجة القلب فيها داب
وبتخطفني بكُل مـ أملك
وبتدخلني مدينة عشق
وبتنسيني سنيني بالكامل
وبتضحكني وقت الحد
وبتشليني على كفوف الراحة
وجوه عيونها لأبعد حد

وبتكمل فيّ الشيء الناقص
وبتخليه يزيد عن الحد
وبتطمني بضحكتها الحلوة
وبتكون ليّ أقرب صديق
وبتقلل الحزن العام
وبتحول العالم لشخص رقيق
وبتصبرني على الأيام
وبتبعدني عن أي عناء
وبتجملني وبتحليني
حين يكون ما بينا عناق.



كل الحكاية

كل الحكاية إنك حكاية
وإنك شيء مبيتنسيش
لا الكلام معاكي بيخلص
ولا من غيرك بقدر أعيش
كل الحكاية إنك ملاك
وجه وسط البشر هنا
ساب مكانه في الجنة هناك
ودي حاجة مش ممكنة
كل الحكاية إنك بتبقي
كل الحكاية إنك بقيتي
شيء مهم في حياتي جدًا
ومعاه بتتغير حياتي
وإنك أجمل لحظة أعيشها
وَدُنْيا لأول مرة أشوفها

وأحلى من الشمس
وقت الغروب..
وأجمل منها..
حتى في كسوفها
وإنك شيء ميتصدقش
وكأنك أصلاً المستحيل
وأكثر حاجة بخاف عليها
وكم إن عليها بغير
وأنتِ الكل بالنسبالي
وأنتِ الحاجة الخاصة
وأصعب حاجة والأسهل
وأول وآخر فرصة
وأنتِ البعيدة القريبة
والقريبة برغم بُعدك
وأكثر واحدة بشوفها مُلمة
وأكثر واحدة قلبي حَبك

وأكثر واحدة بتأخذني
من عالمي لعالمها الخاص
وبيزيد جمالي لما أشوفها
عن طريق الانعكاس
كل الحكاية إنك حياة
وإنك عندي كل الأمل
وغيابك شيء لا يُطاق
وشيء أساسًا لا يُحتمل
كل الحكاية إنك سكتتي
جوه قلبي، وعشقت روحك
وبقى لوني المفضل
الأسود لون عيونك
وإنك وطن يستحق
أعاني من أجله كل العناء
وإنك حاجة بخاف عليها
لأنها صعب الامتلاك

كل الحكاية إني بحبك
بكل مـ أوتيت من قوة
وأول حاجة عيني تشوفها
وتنطق وتقول عليها حلوة
وإنك خطفتي قلبي مني
ولخبطتي عقلي أول مـ شافك
ده أنتِ الجمال في حد ذاته
والجمال هو ذاتك.



أخذت بالي

أخذت بالي من جمالك
مع أول نظرة عين
ركزت جدًّا في تفاصيلك
لقيتك حلوة حبتين
شوفت فيكي ألف ميزة
وأخذت بالي من وجودك
وكأنك نجمة نورها زايد
ومع كل ضحكة
بتضحك عيونك
توهت فيكي مع إني عاقل
ومش بالساهل لحد أميل
ولا بالساهل تخطفني واحدة
وأشوف فيها كل شيء جميل
وأشوفها مُختلفة خالص

غير الكل والجميع
وأفرح جدًا قدام عيونها
وإن غابت يوم أضيع
زي الملايكة ويمكن أحن
وبريئة شبه الأطفال
بيضحك الكون مع ضحكتها
ولو زعلت بيتحوّل بُركان
أخذت بالي من بساطتك
وحيت فيكي كلمة عيوني
يا أحلى بنت بشوفها تضحك
ومع ضحكتها بتزيد جنوني
أخذت بالي إنك حكاية
صعب تلخص في سطر
وإنك حلوة في عيني جدًا
ووجودك في الحياة مُهم.



عشقي لعنيكي

عشقي لعنيكي أهو زاد
زي كل حاجة مـ بتزيد
هو أنا من امتي بطلت أحبك
أو كُنت عنك حتى بعيد
ده أنتِ حاجة ساكنة القلب
وفي حياتي أول الترتيب
وغيابك يشبه لغياب
الشمس أول مـ تغيب
عشقي لعنيكي أهو زاد
يـ حبيتي إكمنها حلوة
ده أنتِ أجمل حاجة اتخلقت
ووجودك يشبه غنوة
قلبي بيعشقها أساساً

وبغنيها كثير مع نفسي

ده أنتِ أكثر حاجة ..

بتيجي على بالي ..

وبلاقيها دايمًا في رسمي

وكأني حابب أرسم ملامحك

وعنيكي يـ حببتي الحلوين

ده أنتِ أهم حاجة عندي

وأهم من كل النبي آدمين

عشقي لعنيكي أهو زاد

ومفيش ولا يوم قل

وبقيتي ساكنة في وريدي

وحاجة بتجري في الدم

واتحولتي لـ إدمان

وبقيتي روتينِ حلو

وبقيتي مُهمة جدًّا

وفي حياتي تعني الكل
عشقتي لعنيكي أهو زاد
والقلب اتمسك فيك
دي عجائب الدنيا سبعة
وتامنها تبقى عنيكي.



سكر هـ

بينني وبين نفسي بحبك
وقدام الناس بتبقي غريبة
أنا وأنتِ اتنين عُشاق لكن
أنتِ لسة عني بعيدة
أنتِ أكثر واحدة أنا حبيتها
وأكثر واحدة بتغيب
أنتِ أجمل صدفة تحصلي
في حياة عيشتها بالترتيب
أنتِ أكثر واحدة بعشقها
وصعب إنها تبقى معايا
وأكثر حاجة مُستحيلة
وبالنسبالي أحلى حكاية
أنتِ حاجة مُختلفة جدًا
وعندي أساسًا غير الكل

أنتِ الضحكة المليانة دموع
وأنتِ السكر المر
أنتِ أقرب شخصية لقلبي
ولعقلي بعيدة جدًا
كأنك نجمة في سمايا
وصعب جدًا إنني أوصل
يا أبعد حاجة في الواقع
وفي خيالي أنتِ الأقرب
يا أكثر حاجة بتوجعني
ومن وجعي بروحلها وأهرب.



أنا مهتم

أنتِ الي عنيكي خدتني
من بعد مـ كُنت و حيد
وعُمري مـ نسيته لحظة
وفاكر ك لو حتى بعيد
أنتِ الحاجة الي مبتغيش
وإن غابت بتفضل عـ البال
وبتفضل عايشة في ذاكرتي
وبتفضل ضد النسيان
أنتِ الشيء الي بحبه
أنتِ الليل وأنتِ الصُبح
وأنتِ الي عشانك قلبي
بيتحمّل مليون جرح
أنتِ ساعات الزعل
وساعات المصلحة مع النفس

والحاجة الحلوة بزيادة
لدرجة كبيرة ملهاش وصف
أنتِ الي عنيكِ خدتنِ
ولخُصنك أنا ياما اشتقت
وأنتِ الي عشانك أصلاً
حببت كمان وعشقت
وأنتِ الي معاكِ لاقيت روعي
ولأول مرة ألاقِ نفسي
وحُزني بسببك بيغيب
ويروح أول مـ تبسمي
أنتِ الي معاكِ ارتحت
وبسببك العقل احتار
ومعاكِ أنا ببقى في جنة
وغيابك يشبه للنار
أنتِ الي عنيكِ خدتنِ
وحبيتك من غير أسباب

ومع إنك تملي بعيدة
حُبك ده أحلى عذاب
أنتِ أكثر حاجة بتوجعني
وبعشقها عشان مُضطر
يـ من لا يُهمك أمري
بـ أمرك أنا مُهتم.



حد عادي

متقوليش إني حد عادي

وإني مش بحس بيلك

وإنك مهما بعدتي عني

أصلاً مُش بشتاق إليك

وإنك حاجة عادية..

وإني معاكي بقضي وقت

وأنتِ عارفة إنك حبييتي

وأهم عندي من أي حد

ومتقوليش إني في بُعدك

بقدر أعيش حياتي عادي

ده أنا بقلق عليك لدرجة

كأنك حد من ولادي

متقوليش إن وجعك

حاجة مش بحس بيها

وَأَنْتِ عَارِفَةٌ إِنِّي بِحَسْ
بِكُلِّ حَاجَةٍ بِتَحْسِيئِهَا
مَتَقَوْلِيشْ أَيِّ حَاجَةٍ
عَارِفَةٌ إِنَّهَا بِتَضَايِقُنِي
دَه أَنْتِ وَجَعَكَ هُوَ وَجَعِي
وَضَحَكَتْكَ مَصْدَرُ سَعَادَتِي
مَتَقَوْلِيشْ غَيْرَ إِنِّي حَبِيبُكَ
وَإِنَّكَ حَاجَةٌ بِتَحْلِي يَوْمِي
دَه أَنْتِ نِعْمَةٌ فِي حَيَاتِي
وَبَدْعِي إِنَّكَ كَمَا تَدُومِي .



ضحكتك عالم ثاني

ضحكتك دي عالم ثاني
مليان حبيبي بالألوان
فاضحكي كل يوم
واضحكي في كل مكان
ضحكتك دي فيها كلام
وفيه زعل وعتاب
ضحكتك حلوة بزيادة
زي ما قال الكتاب
ضحكتك بتحلي عنيكي
وبتخليها بسهولة تلمع
وبتحلي تفاصيل ملامحك
وبتحلي الفرحة ترجع
ضحكتك عجباني جدًا
وقلبي بيضحك بسببها

ضحكتك متتحكيش
ولا يتوصف أصلاً جماها
ضحكتك دي أحلى وصفة
ونوع نادر من العلاج
ضحكتك أصلاً بتضحك
وبتسي الزعل والاكتئاب
ضحكتك بتحلي الحياة
وأنت لوحدك أصلاً حياة
أنت حاجة حلوة جداً
لدرجة تلفت الانتباه
ضحكتك دي عُملة نادرة
وحاجة بتحلي الوجود
قد إيه يـ حبيبي حلوة
وجماها عدى الحدود
وقد إيه خطفتي قلبي
أول ما شوفت ضحكتك

ضحكتك دي أكثر حاجة
خلتني أصلاً أعشقك
ضحكتك بتقوي قلبي
وبتحسني بالأمان
وبسببها بنسى خوفاً
وبنسى أصلاً إني زعلان
ضحكتك تشبه لروحك
ولكل دعوات الأمهات
ولكل شيء بحبه
ولكل الأمنيات.



هكاني الرفضل

بنسى في حُضْنك وجعي
وبنسى كل الذكريات
بنسى كل اللي باعني
وبنسى كل شيء فات
بنسى فيه وحدثي
وبغرق في بحر من الحنان
بنسى فيه كل الحاجات
بنسى فيه كل اللي كان
بنسى في حُضْنك كل شيء
وبتولد من جديد
ده أنا بقدر على أي حاجة
ومقدرش أكون عنك بعيد
بنسى في حُضْنك
إني في حُضْنك

وبقي عايز أتحضن
وكان حُضنك هو بيتي
وكان حُضنك ليّ وطن
بنسى في حُضنك سُكاتي
بنسى ضعف وخوف ويأس
ده حُضنك مكاني المُفضل
وشيء ملوش أي وصف.



أقرب واحدة

أنتِ أقرب واحدة ليَّ
وفي نفس الوقت أبعد واحدة
أنتِ الحاجة وعكسها
ومن غيرك بحس بالوحدة
أنتِ القرية البعيدة
والغاية دايماً لكن معايا
وأنتِ اللي بتبقي سبب وجعي
وبتبقي عندي أحلى حكاية
أنتِ حبيبتى تصووري
برغم بُعدك وعنالك
أنتِ أهم حاجة في حياتي
مع إني عادي بالنسبالك
بتفرحيني وتوجعيني

بسهولة وفي لحظة واحدة
علاقتنا أصلاً يـ حببتي
فعلاً علاقة مُختلفة
ساعات حببتي
وساعات صديقتي
وساعات غريبة
مع إني بفهمك
أكثر من نفسي
وساعات بحس
إنك فعلاً حبتيني
بس خايقة تقربي
وفي النهاية تخسريني
وساعات بحس إنك بعيدة
وبتحاولي لسة تفهميني
بس عارفة برغم حيرتي

وكل حاجة بحسها
وأنا بين إيديكي
هتفضلي برضه حبيتي
وأكثر واحدة بخاف عليكى.



نهاية للشهد

أنتِ الي اختارتي البُعد
وعملتني نهاية للمشهد
مع إنك عارفة إني بحبك
وكل العالم والناس تشهد
أنتِ الي غيرتي الأحداث
وقلبي القصة لـ دراما
متجيش دلوقتي
وتقولي ياريتني
وأنتِ من الأول غلطانة
مـ أنتِ الي غيرتي الأشخاص
وأنتِ كنتِ المسؤولة
وكتتي عنيدة جدًا جدًا
واديتي لكومبارس بطولة
واختارتي تحبيه هوّا

واتمستكي بيه وبقوة
ونسيتي كل اللي مابينا
وكل الأيام الحلوة
ونسيتي قلب..
كان فيك دايب
ومتعلق بيك بجنون
وكان شايفك حاجة تانية
وأجل بنت في الكون
كان شايفك بوضوح جدًا
وعارفك أكثر من نفسك
وكان بيتوه وينسى العالم
أول ما يسمع اسمك
كنت حكايته وروايته
وكان بيكتب كل الشعر عشانك
كان شايفك أجمل ورده
وبيحافظ على جمالك

وكان بيعاملك غير الناس
بس أنتِ مقدر تيش النعمة
وسبتي الي شايفك بوضوح
واختارتي واحد أعمى
واحد ملوش في العشق
ولا بيهتم بالتفاصيل
ولا يفهم نظرات العين
ولا بيعرف حتى يغير
ولا بيخاف حتى على زعلك
ولا بيعرف مرة يصالح
ولا بيقدر حتى جمالك
كل التقدير الواضح
أنتِ الي كنتِ عندي
وبسهولة أنا هونت عليك
ورفضتي تشوفيني بدقة
مع إني بشوف الكون بيك

واختارني واحد مش شايفك
وتملي بيخلي عنيكى تزعل
وعنيكى قدرت تشوفه
أحسن مني وأجمل
أصل فيه ناس كتير زيك
من الصعب عليها تفهم
قيمة الحاجة الي في إيديها
غير في النهاية بعد ما تخسر.



هتلاقيني

هتلاقيني معاكي لسة
في كل لحظة بتعيشيها
هتلاقيني في كل ضحكة
وكل حاجة بتعملوها..
هتلاقيني معاكي في صمتك
وهتلاقيني في نص الكلام
هتلاقيني في ساعة هدوء
وهتلاقيني وسط الزحام
هتلاقيني في كل شيء
شخص مش ممكن يغيب
ومهما زعلت عنكي مني
هفضل ساكن في الوريد
هتلاقيني في كل كُتبك
هتلاقيني في كل وردة

وسايب فيكي كل حاجة
زي ما أنتِ حبيتي سايبه
سايبه ضحكة مبتنسيش
وذكريات وحاجات كتير
وبوسة حلوة على خدك
في عيد ميلادك الأخير
هتلاقيني في تنهيدة طالعة
وفي ساعات النرفزة
وفي كل حاجة مُستحيلة
وكل حاجة مُمكنة
هتلاقيني معاكي في يومك
من الصباح للمساء
هبقى في كل لحظة فرح
وفي كل لحظة بكاء
هتلاقيني في ساعة الغرور
والهزار وساعة الشتيمة

والأناقة والשיاكة
والإرداة والعزيمة
هبقى معاكي زي ضلك
هبقى عاشق لكن غريب
هبقى معاكي في الخيال
وفي الحقيقة عنك بعيد
هتلاقيني في كل الوعود
وكل حاجة مكملنهاش
هبقى صفحة غامقة في حياتك
وصفحة حلوة مبتتنساش.



الفهرس

5	إهداء إلى
6	العشق لغيرك مُحَرَّم
9	أجمل واحدة فضولية
12	بليت حبها
16	أجمل قلب اتخلق
19	حب إكلينيكي
23	ي سَمرا
27	جائز من حُبك مُت
31	حُبك إدمان
35	دايمًا غايبة

38 شكلي بحبك

43 سلطان زماني

46 شبه الأطفال

50 مليون حداد

56 كان زمانك

60 تشبهها

64 شهر يناير

69 **NUMBER ONE**

72 صُدفة

75 حبيك المتطفل

80 مـ تاخدي بالك

84 حُب جبان

88	 ناقصلي ضلع
92	 يدوب ضحكت
95	 تسمحيل
98	 بتلخبطي كل الموازين
101	 بطل تعشق
105	 القلب قدامك بيسلم
109	 راحة نفسية
115	 مبتكبريش
119	 قلب الوردة
122	 لازم من جمالك يسمي
124	 آخر شيء فاضلي
127	 اتعودت

- خطين متوازيين 130
- أحلى من أغاني فيروز 135
- قلبي عليكى بيتحسر 138
- بتقف الأرض عن الدوران 144
- معاكى 147
- مدومتيش ليه 151
- حُب يكفينى 154
- طبعك غريب 158
- مفيش حاجة 162
- يكفينى 165
- ارتحتلك 168
- بطل تقسى 172

175	الروتين الحلو
178	مكانش فيه داعي
182	أرض مبتطحش ورد
185	بطلي تهتمي
188	زي الملايكة
191	كل الحكاية
195	أخذت بالي
197	عِشْتي لعنيكي
200	سُكر مر
202	أنا مُهم
205	حد عادي
207	ضحكتك عالم تاني

- 210 مكاني المُفضل
- 212 أقرب واحدة
- 215 نهاية للمشهد
- 219 هتلاقيني

